

永樂大典

卷三千一百五十  
一

永樂大典卷之三十一百五十一

九真

陳

陳俊卿

宋史列傳陳俊卿字應求興化人幼莊重不妄言笑父死

職業同僚宴集恒謝不佳一日郡中失火守江藻走視之諸掾屬方飲某所俊卿與卒亦假之行於是例以後至被詰俊卿唯唯權謝已而知其實問故俊卿曰某不能止同僚之行又資其僕安得為無過時公方盛怒其忍幸自解重人之罪乎藻嘆服以為不可及秩滿奏檜當國察其不附已以為南外睦宗院教授尋添通判南劍州未上而檜死乃以校書郎召孝宗時為普安郡王高宗命擇端厚靜重者輔導之除著作佐郎兼王府教授授講經輒寓規戒正色特立王好鞠戲因謂韓愈諫張建封書以諷王敬納之累遷監察御史殿中侍御史首言人主以兼聽為美必本至公人臣以不期為忠必達大體御下之道恩威並施抑驕將作士氣則紀綱正而號令行矣遂劾韓仲通本以微事附檜寃陷無辜檜黨盡逐而仲通獨全

永樂大典卷三十一百五十一

劉寶總戎京口恣播剋且拒命不分處二人遂抵罪湯思退專政俊卿言冬日無雲而雷宰相上不當天心下不厭人望詔罷思退時災異數見金人侵軼之勢已形俊卿乃疏言張浚忠蓋白首不渝竊聞謔言其陰有異志夫浚之得人心仗士論為其忠義有素反是則人將去之誰復與為變乎疏入未報因請對力言之上始悟數月以浚守建康又言內侍張去為除沮用兵且陳避敵計搃成筭請按軍法上曰卿可謂仁者之勇除權兵部侍郎金主亮渡淮俊卿受詔整浙西水軍李寶因之遂有膠西之捷亮死詔俊卿治淮東堡砦七田所過安集流亡金主亮新立申舊好廷臣多附和議俊卿奏和戎本非得已若以得故疆為實利得之未必能守是亦虛文而已今不若先正名名正則國威強歲幣可損自陳選將練兵屯田減租之策擇文臣有膽畧者為參佐俾察軍政習成務以備將材孝宗受禪言為國之要有三用人賞功罰罪所以行之者至公而已願留聖意選中書舍人時孝宗志在興復方以闕外事屬張浚以俊卿忠義沈靖有謀以本職充江淮宣撫判官兼權建康府事奏曰吳璘孤軍深入敵志來拒戰久不決危道也兩淮事勢已急益分遣舟師直搗山東彼必還師自營而璘得乘勝定關中我及其未至潰其腹心此不世之功也會主和議方

堅詔購師亦召俊卿奉陳上事定規模派紀綱勵風俗明賞罰重名器  
遵祖宗之法竊無召之賦隆興初元建都督府俊卿除禮部侍郎參贊軍  
事張浚初謀大舉北伐俊卿以為未可會謀報敵聚糧邊地諸將以為秋  
必至宜先其未動舉兵浚乃請于朝出師已而邵宏淵果以兵潰浚卿退  
保揚州主和議者幸其敗橫議搖之浚上疏待罪俊卿亦乞從坐詔貶兩  
秩諫臣尹穡附思退議罷浚都督改宣撫使治揚州俊卿奏浚果不可用  
別屬賢將若欲責其後效降官示罰古法也今則都督重權實揚州死地  
如有奏請臺諫沮之人情解體尚何後效之圖議者但知惡浚而欲殺之  
不復為宗社計願下詔戒中外協濟使浚自效疏再上上悟即命浚都督  
且召為相卒為思退穡所擠遣視師江淮俊卿累章請罪以實之閣待制  
知泉州請祠提舉太平興國宮思退既竄太學諸生伏闕下乞召俊卿乾  
道元年入對上勞撫之因極論朋黨之弊除吏部侍郎同修國史論人才  
當以氣節為主氣節者少有適當容之邪佞者甚有才當察之錢端禮起  
戚里為參政竄相位甚急館閣之士上疏斥之端禮遣客密告俊卿已即  
相當引共政深拒不聽翌日進讀實訓適及外戚因言本朝家法外戚不  
預政有深意陛下宜謹守上首肯端禮憾之知建康府逾年授吏部尚書

時上未能屏鞠戲將遊臘白石俊卿引漢桓靈唐敬穆及司馬相如之言  
力以為戒上喜曰備見忠諫朕決意用卿矣朕在藩邸知卿為忠臣俊卿  
拜謝受詔館金使遂拜同知樞密院事時曾觀龍大淵估舊恩竊感福士  
大夫頗出其門及俊卿館伴大淵副之公見外不文一語大淵納謁亦謝  
不接洪邁白俊卿人言鄭聞除右史某當除其官信乎詰所從邁以淵觀  
告具以邁語質於上上曰朕曷嘗謀及此輩必竊聽得之有旨出淵觀中  
外稱快金移文遣吏取前所俘俊卿請報以誓書云俘虜叛亡是兩事俘  
虜發已多叛亡不應遣且本朝兩淮民上國俘虜亡慮數萬本朝未嘗以  
為言恐壞和議使兩境民不安或至交兵則曲直勝負有在矣鎮江軍帥  
戚方刻削軍士俊卿奏內臣中有立方者當併懲之即詔罷方以內侍陳  
瑒李宗回付大理究贓狀十一月當郊而雷上內出手詔戒飭大臣葉颯  
魏杞坐罷俊卿參知政事時四明獻銀鑊將召治工即禁中銀之俊卿奏  
不務帝王之大而屑屑有司之細恐為有識所窺從官梁克家莫濟俱求  
補外俊卿奏二人皆賢其去可惜於是初奏洪邁姦險讓佞不宜在左右  
罷之戚福建鈔盜罷江西和種廣西折米益錢蠲諸道宿逋金銀錢帛以  
巨萬計於是政事稍歸中書矣龍大淵死上悔曾觀欲召之俊卿曰自出

# 永樂大典

卷三二五

此兩人中外莫不稱頌。今復召必大失天下望。臣請先罷。遂不召。殿前指揮使王琪被旨按視兩淮城壁。還為和州教授。劉甄夫得召。陵俊卿言琪薦兵將官乃其職。教官有才。何預琪事。會揚州奏琪傳旨增築城。已訖事。俊卿請於上。未嘗有是命。俊卿曰。若詐傳上旨。非小故。奏言人土為幾。豈能盡防閑。所恃者紀綱。號令賞罰耳。不誅琪。何所不為。琪削秩罷官。先是禁中密旨直下諸軍。宰相多不預聞。內官張方事覺。俊卿奏。自今百司承御筆處分事。須奏審方行。從之。既而以內諸司不樂收前命。俊卿言。張方王琪事。聖斷已明。忽論臣曰。禁中取一飲一食。必待中審。豈不留滯。臣所慮者。命令之大。如三衙發兵。戶部取財。豈為宮禁細微事。臣等備數出內。陛下命令耳。凡奏審欲取決。陛下非臣欲專之。且非新條。申舊制耳。已行復收。中外惶惑。恐小人以疑似激聖怒。上曰。朕豈以小人言疑卿等耶。同知樞密院事劉洪進對。爭辨激切。忤旨。既退。手詔除琪端明殿學士。奉外祠。俊卿即藏去。審具奏。前日奏劄。臣實草定。以為有罪。臣當先罷。琪之除命。未敢奉詔。陛下即位以來。納諫秉體。大臣皆感德。事今琪以小事獲罪。臣恐自此大臣皆阿順持祿。非國家福。上色悔久之。命琪帥江西。俊卿退。自劾。上手札留之。且曰。卿雖百請。朕必不從。四年十月。制授尚書右僕射。同中書門下平章事。兼樞密使。俊卿以用人為己任。所除吏皆一時選獎。廉能退。抑奔競。或才可用。資歷淺。密薦於上。未嘗語人。每接朝士及牧守。自遠至。必問以時政得失。人才賢否。虞允文宣撫四川。俊卿薦其才堪相。五年正月。上召允文為樞密使。至則以為右相。俊卿為左相。允文建議遣使金以陵寢為請。俊卿面陳。復手疏以為未可。上御孤天弦。激致目眚。六月。始御便殿。俊卿疏曰。陛下經月不御外朝。口語藉藉。皆輔相無狀。不能先事開陳。虧損聖德。陛下憂勤恭儉。清靜寡欲。前代英主所不能免者。皆屏絕。顧於騎射之末。猶未能忘。臣知非樂。此志圖恢復。故俯而從事。以閱武備。激士氣耳。願陛下任智謀。明賞罰。恢信義。則英聲義烈。不越樽俎。固已震懾敵人於萬里之遠。豈待區區騎射於百步間哉。陛下一身。宗社生靈之休戚繫焉。願以今日之事。永為後戒。曾覲官滿當代。俊卿預請處以刺。東總管上曰。觀意似不欲為此官。俊卿曰。前此陛下去二人。公論甚愜。願捐私恩。伸公議。觀怏怏而去。樞密承旨張說為親戚求官。俾俊卿不敢言。會在告請於允文得之。俊卿聞。數已出。詰吏留之。說皇恐來謝。允文亦愧。猶為之請。俊卿竟不與說深憾之。吏部尚書汪應辰與允文議事不合。求去。俊卿數奏。應辰則執正。真可為執政。上初然之。俊竟出。應辰守平。日。

是上意卿允文而俊卿亦數求去明年允文復申改廢之議上手札諭俊卿俊卿奏陛下痛念祖宗思復故疆臣雖疲駑豈不知激昂仰贊聖謨然於大事欲計其萬全候一二年間吾之事力稍充乃可不敢迎合意指誤國事即杜門請去以觀文殿大學士帥福州陛辭猶勸上遠佞親賢修政殫敵泛使未可輕遣既去允文卒遣使終不得要領曾觀亦召還建節鉞齎保傅而士大夫莫敢言俊卿至福州政尚寬厚嚴於治盜海道晏清以功進秩轉運判官陳峴建議改行鈔益法俊卿移書宰執極言福建益法與淮浙異遂不果行明年請祠提舉洞霄宮歸第弊屋數椽怡然不介意淳熙二年再命知福州累章告歸除特進起判建康府兼江東安撫召對垂拱殿命坐賜茶因從容言曰將帥當由公選臣聞諸將多以賄得曾觀王作招權納賄進人皆以中批行之賊吏已經結劫而內批改正將何所勸懲上曰卿言甚當朝辭奏曰去國十年見都城較賤人安惟士大夫風俗大變上曰何也俊卿曰向士大夫奔競持之門十纒一二尚畏人知今則公然趨附已七八不復顧忌矣人材進退由私門大非朝廷美事上曰持則不敢觀雖時或有請朕多抑之自今不復從矣俊卿曰此曹聲勢既長侍從臺諫多出其門毋敢為陛下言臣恐壞朝廷紀綱廢有司法度敗

永樂大典卷三十五十一

天下風俗累陛下聖德命二府飲饒浙江亭俊卿去建康十五年父老喜其再來為政寬簡罷無名之賦時御前多行白劄用左右私人持送俊卿奏非便上手札獎諭除少保判建康府如故八上章告老以少師魏國公致仕十三年十一月薨年七十四方屬疾手書示諸子云遺表止謝聖恩勿祈恩澤及功德勿請謚樹碑上聞嗟悼輟視朝贈太保命本路轉運司給葬事賜諡正獻俊卿孝友忠敬得於天資清嚴好禮終日無惰容平居恂恂若不能言而在朝廷正色危論分別邪正斥權勢無顧避凡所奏請闡治亂安危之大者雅善汪應辰李燾允教朱熹屢嘗論薦其薨也熹不遠千里往哭之又狀其行有集二十卷子五人定有志于學終承奉即朱熹為銘其墓必自有傳論曰孝宗志恢復特任張浚俊卿斥姦黨明公道為之佐泊居中書知無不為言無不盡蓋其立志一以先哲為法非他相可擬也允文許國之忠炳如丹青金鹿人亮之南侵其鋒甚銳中外倚劉錡為長城錡以病不克進師允文儒臣奮勇督戰一舉而挫之亮乃自斃昔赤壁一勝而三國勢成淮淝一勝而南北勢定允文未石之功末事轉危如安實係乎此及其罷相鎮蜀受命興復克期而往志雖未就其能慷慨任重豈易得哉次膺力排群邪無負言責泣政不煩居約有守晚再

立朝。蹇諤尤著。南渡直言之臣。且為首稱焉。未暇庵集丞相魏國陳正獻公行勝。陳俊卿。其先世蓋出潁川。晉永嘉之亂。太尉廣陵郡公準之孫。西中郎將遠。南遷。泉江始為閩人。其居莆田者。歷唐五季。而太尉十九世孫真。二十二世孫嶠。沉始。斑斑見於碑碣。然世遠不可得而詳矣。公之家。自沂公以來。皆以好施周急。聞於鄉里。公生而莊重。不妄言笑。七八歲。自知為學。冀公竟。執喪如成人。少長益自刻厲。紹興八年。以鄉舉試禮部。知舉。未公震。張公致遠。得其文讀之。歎曰。公輔器也。將真首選。而同列有異議者。乃屈居其次。授左文林郎。泉州觀察推官。服勤職業。不以科第自高。同寮宴集。常謝不往。一日。郡中失火。太守汪公藻走視之。則諸掾屬方相從飲某所。而公之與卒。亦或假之以行。於是例以後至。被詰責。公亦唯唯。推謝而已。而汪公廉知其實。始召公慰諭。且問其故。公曰。某也不能止同寮之行。而又資其僕御。亦安得無過。且是時公方盛怒某也。其忍幸於自解。而重人之罪乎。汪公歎服。以為不可及。秩滿。改宣義郎。故事。第二人再調。即為館學清官。是時秦丞相檜用事。察公意不附已。乃以為南外睦宗院教授。終更造朝。中塗心悸。夜不得眠。公曰。吾它日未嘗如此。意者吾親其不康。去翌日馳歸。則莫國夫人果以是日屬疾矣。遭喪服除。添差通判南

劍州。未行而檜死。乃以秘書省校書郎召在館。歲餘。非時。未嘗一詣東西府。時今天子方為晉安郡王。高宗命宰相擇可輔導者。宰相爭欲置其所善。高宗不可。命擇館職。端厚靜重者為之。乃以公對。除著作佐郎。兼普安郡王府教授。尋遷著作郎。在郎二年。謀說常侍。經義以規戒。言簡理精。以王好鞠戲。誦韓愈之言以諫。王敬納之。王左右親吏。故多與諸府寮押。公獨正色出入。未嘗私文一談。歷司勳禮部員外郎。樞密院檢詳諸房文字。除監察御史。始公嘗與國子監丞朱倬隣居。朝夕往來。及倬為言事官。公一賀之。遂不復往。倬以是敬公。既遷中司。欲薦以為御史。而先以告公。公辭之。後數月。汪徹為殿中侍御史。乃密以公名進。命下。然後謝。公曰。恐公復辭。不敢告也。俄遷殿中侍御史。首為上言。人主以兼聽為美。而存心必本於至公。人臣以不欺為忠。而論事必達於大體。反復推明。引今附古。詞指溫厚。而正直之氣凜然不可犯。上固異之。又論陛下之道。惟思與慮。不可偏廢。今主兵之官。率無遠慮。惟事驕侈。其志不過聚歛以肥家。其術不過文結以固寵。其所以侵漁百姓。剝削軍士。陵駕州縣。輕侮朝廷者。無所不至。而任事者。未嘗一誰何之。則將不知有威矣。養兵之費。月計百萬。而虛籍大半。不可稽考。軍士疲於私使。困於回易。大率以奉主將之私。而所

得衣糧。隨手尅盡。廉瘦。單薄。有可憐之色。而主將恬不之恤。則士不知有恩矣。陛下誠有以抑將之驕。而警其惰。作士之氣。而收其心。則紀綱正而號令行。三軍之士。孰不感戴上恩。而效死以報國者哉。上亦稱善。再三公遂刺秦韓仲通。本以獄事。附秦檜。寃陷無辜。今檜黨盡逐。而仲通獨全。何以懲惡。劉寶總戎京口。紀律不嚴。衆缺持甚。朝命分兵七戍。輒拒不遵。亦不可不治。於是二人皆抵罪。公論快之。宰相湯思退。東政無狀。公論沸騰。會冬無雪而雪。公與同列共奏論之。同列爭持。據苛細。公曰。宰相上不當天心。下不厭人望。是固當罷。何以它爲。乃獨奏言思退。文藝有餘。而器識淺暗。不足以任天下之重。詔罷思退。以大學士奉外祠。同列復議。請褫其職。公曰。事貴適中而已。思退非有大罪。特以不堪宰相而罷之。則祖宗時免。相恩禮未可殺也。且思退雖不才。然視沈該。不有間乎。今該猶以大學士家居。而思退顧不得。則執法之地。所以議賞罰者偏矣。遂不復論。金虜自燕徙汴。謀遂入寇。中外震恐。而楊存中久握兵柄。尤以衆缺交結得幸。士卒嗟怨。三十一年春正月。既望。大雷雹。已而雨雪。凝澍旬日不解。公引春秋所書雷雪之變。且言當時兩異相距八日。其變有漸。聖人猶謹而書之。矧今一日並見。其異甚矣。蓋雷雷陽也。雨雪陰也。雷而復雪。是陽不能

制陰陰。禁得作出。而爲物害也。以類推之。是爲夷狄將陵中國。臣下將竊威權之象。所以應之。恐非虛文。常禮所能及也。今虜勢駸駸。蓋已可見。備禦之計。未知所出。而大將官保傳總兵。或殖貨財。事交結。奪民利。壞軍政。其力足以奔走死士。其威足以杜塞衆口。道塗灰目。中外切齒久矣。養之不己。將有指大於股之患。此最不可不深慮。至於開言路。用人望。別能否。正紀綱。信號令。廣惠澤。亦所以應天消變之術。而不可緩者。惟陛下并留聖意。因遂劾奏存中罪狀。語益切。天子爲罷存中奪其兵。公又言去冬無雪而雷。今春已雷而雪。問者曰。閏無光而淫雨不止。前日又有地震之異。變不虛生。實應人事。豈賢才有未用。而賞罰有未當歟。備禦有未修。而賦歛有未節歟。近習有撓權。而大臣無任責者歟。左右阿諛者衆。而忠謹之論不聞歟。何嘉氣之不應也。帝曰。聽之不聰。厥罰常寒。願下求言之詔。以審政事之闕。而深詔大臣。念登引。愚以答天戒。又言。部使者多不舉職。請令自今。臺諫論列一道。歲中四人以上。臺司檢舉。議罪以聞。又言。近世例以小廉曲謹。文米。醜藉取人。而於職。董深沈。智略慷慨之士。未有以爲意者。所以多士盈庭。而臨事常有乏才之歎。謂宜廣收博采。舍短錄長。用之繩墨之外。責以事業之成。勿拘小節。勿謀近効。庶其有得以濟時用。會詔

# 永樂大典

## 卷三一五一

以災異數見。令臺諫侍從條上計策。公言虜人窺伺其意不測。而兩淮之藩籬未固。荆襄之聲援不接。宜擇近臣有威望者。盡護荆襄諸將之兵。而假以它用。陰遣間使往來江上。密問諸將計策。或令各遣腹心赴堂。稟議內外相應。不失事機。其它則選練犒賜。以作士氣。擇吏蠲賦。以解鄉兵。修城築壘。以嚴保障。亦事之不可緩者。而總其大要。則在朝廷處置得宜。有以服人心者。而推其大本。則又在陛下益堅睿斷。先定規模。無以憂疑自為。沮沮而已。又言命令之出。不可不審。內外之任。不可不均。又言今日之急。在節財用。而冗官妄責。實為今日財用之大蠹。且如添差總管。鈐轄一郡。或不下十數人。月俸大者百萬。小者不下五六十萬。公使人從費。又倍之。其間又有連為數任而不替者。有更歷數州而不已者。宗戚生朝賜物。尚依承平舊例。外命婦亦請內命婦俸給。有旨罷勅局。而或兩年不罷。有旨減吏員。而三省密院御史臺不減。大禮浮費。以巨億計。樂工五百人。教習百日。食錢至二萬緡。修輿服器仗。不過增飾。而戶工兩房。兩部將作軍器。兩監文思車輅兩院。以至儀仗等庫官吏。添給食錢。日五六百者。不知幾人。自四月朔。以至禮成。為錢不知幾許。大半一有與為。無問大小。稍有

闕涉行遣文書。一字以上。無不支食錢者。而一歲之中。無慮以十數。凡若此類。乞令後省取索。立限裁損。而陛下以身先之。始自宮掖。如寶元慶曆熙寧故事。則邦用足。民力寬。而人心不患於不服矣。又言諸州將兵。例供私俸。教閱不時。緩急不堪倚仗。故今諸州往往有大軍留屯。皆截上供。以給其費。且詔有大軍處。即令將兵通共教閱。無大軍處。即令旁近大軍分遣將吏。就州教之。勸以厚賞。禁其私俸。異時習熟。則所屯大軍。漸可抽回。以省截留之費。是時虜人侵軼之勢已形。而江淮備禦之方未講。大小備端。莫敢發言。公又力言宜委置統帥。使擇間探遠斥堠。謹烽火。修城池。以待其變。而當是時。莫有堪其選者。中興舊臣。唯張忠獻公獨無恙。而方困於錢口。請居湖湘。中外物情。翕然歸之。上心益以為疑。不肯用也。公乃上疏曰。竊惟今日事勢。可謂危且迫矣。而竊聞之軍民士夫之論。則皆曰。張浚素懷忠義。兼資文武。且諳軍旅之事。可當閩外之寄。臣素不識浚。且亦聞其為人。意廣才疎。其初雖有勤王之節。安蜀之功。然陷陝服散。淮師其敗。事亦不必特其許國之忠。白首不渝。今居謫籍。杜門念答。未嘗不追悔前非。老而練事。殆非復前日浚矣。今事勢危迫如此。而在廷之臣。又未有能過之者。雖有射鉤斬祛之仇。猶當置而不問。况浚嘗為陛下腹心之臣。



初未嘗有此隙乎。竊聞諸者言其除有異志。又以放弃之久。疑沮益深。若付以權。恐漸難制。臣請有以明其不然。夫浚之所以得人心。伏士論者為其有志義之素心也。若其有此。則人將去之。誰復與為變。士臣願陛下察其境。誣略加辨白。且與除一近郡。以係人心。庶幾緩急之際。可以相及。疏入未報。因請對力言之。上意乃悟。首肯久之。內侍張去為陰沮用兵之策。且陳避伏之計。公遂抗言去為竊弄威權。虧損聖德。今復沮撓成策。請按軍法斬之。以作士氣。上愕然曰。卿可謂仁者之勇矣。明日。除權兵部侍郎。後數月。竟用張公守建康。如公策。既而邊報益急。王師始北渡江。也。據要害。而用兵之意。猶未決也。公言。今守禦略備。士氣亦振。以此侍敵。何慮不勝。若侍虜人使離巢穴。送死而來。則中原塗炭之民。與其種類怨叛之衆。爭欲起而圖之者。何可勝數。但以吾之重兵與之相持。而別遣銳師。分出間道。以搗其虛。則虜之成禽必矣。臣之所慮。獨恐其知吾有備。偽為甘言。復以和議誤我耳。然彼或出此。而吾能益嚴備禦之計。修築營壘。大開屯田。以為久駐之基。俟其退歸巢穴。然後姑與之和。此則猶為中策。但恐浚謀之士。苟於目前。更勸陛下受其甘言。反以今日之計為非是。而遂歛兵增幣。墮其計中。則為無策。而大事去矣。虜兵尋果渡淮。公受詔措置浙西。

水樂齋卷三十一

水軍。李寶因之。遂有膠西之捷。公因勸上進幸建康。號令諸將。指授方略。上然其計。戒嚴未幾。而虜軍自亂。殺其主亮而歸。詔公措置淮東。堡寨土田。公行所過。勞來安集。流邁稍復舊業。虜中更立新酋。遣使來中。舊好朝廷。方議酬答之。其而議者或曰。得故疆者。實利也。正名分者。虛名也。朝者多附其說。公聞之。亟上奏曰。陛下前日和戎之計。蓋非得已。今比使來。正審事機。正名分之日也。若以得故疆為實利。則得之而未必能守。是亦虛名而已。豈若因此先正名分。名分一正。則雖未能即復中原。遠謁陵廟。然亦足以作頹墮之氣。慰神靈之心。矧今虜人挫衄之餘。急於自定。汲汲求和。情亦可見。是豈能復以疆大之勢。取必於我。如前日之為哉。當此機會。臣以為非獨名分可正。而歲幣亦當可減。惟在朝廷先定規模。有以俟之。則復中原。謁陵廟。亦不足以為難也。公又以為和好果成。尤不可以無備。因陳選將練兵之策。并圖上兩淮戍守也。田事。宜所以為保江之計者甚悉。又請戒諸將中嚴逃叛之法。毋得互相招誘。又請擇文臣有膽略者。以為諸將參佐。使察軍政。除宿弊。因習戎務。以備將材。又言淮北流民。自相剽略。吏不能禁。宜加區別。撫其柔良。而收其暴桀者。畜之軍中。束以紀律。至於虜中形勢。彼雖或能言之。然皆務為可喜之言。以冀投合。不可輕信。

而吾之匪實險易。彼皆得之。則又不可以不為之防。大抵但當益增七兵。多遣間諜以俟。得其情狀之實。然後乘其機會。量力以應之耳。今天子受禪。公入對。陳戒懇切。且言今日之事。固當以嚴守備。練將卒。戒貪暴。省浮費。信賞罰。抑佞倖為急。然此事也。非事之本也。清心寡欲。屏遠佞倖。使姦聲亂色不留聰明。淫詞詖行不接心術。則庶乎用志專而見理明。功業可就。而邪正可分矣。又言為國之要有三。曰用人。曰賞功。曰罰罪。而所以行之者一。曰至公而已。故古人善為國者。賢不以離而弃。愚不以親而用。賞不以遠而遺。罰不以近而免。蓋不敢以一己之私。廢天下之公也。若以生殺予奪。人莫予違。而惟好惡喜怒之私是徇。則不惟示天下以不廣。而其偏黨反側之害於政事。亦且無不至矣。昔太祖皇帝坐大寧宮。使關重門而直視之。曰。此如我心。少有邪曲。人必見之。此陛下家學也。願留聖意。以幸天下。七月。遷中書舍人。尋以本職。充江淮東西路宣撫判官。兼權建康府事。時上初即位。慨然有復境土雪讎耻之志。方屬張忠獻公以閩外之事。顧在廷無可使佐之者。以公忠義奮發。而沈靜有謀。故有是命。公力辭。建康不允。乃辟材吏通判府事。分理民政。而獨與張公協規并力。大飭邊備。是時蜀漢之兵。北征秦隴。雖頗略定城邑。而勝負久不決。公為張公言。

請張虜以分其勢。張公然之。公因上奏曰。吳璘孤軍深入。而虜人悉聚拒戰。兩軍殺傷。雖略相當。然久而不決。則危道也。兩淮戰士。今雖且當固守。然事勢已急。豈可不為牽制之舉。臣竊以為莫若分遣舟師。出其不意。直搗山東。中原豪傑。宜有應者。則彼必還西師以自救。而璘得乘勝以定關中。我又及其未至。長驅深入。清其腹心。不世之功。可一旦而立也。若其有備。回輒轉施。信宿可還。彼亦將如我何哉。此不唯救急之計。實因敵制勝之一奇。不可失也。奏入。會朝廷有力主和議者。已詔璘班師。而公計遂不行。識者恨之。公又極論軍中虛籍冗員。權備營田。差借之弊。且請戒諸將。毋得以回易資饋餉結權要。十一月。召入奏事。既對。遣中使。賜金幣。會給從臣筆札。上時弊。公陳十事。一曰定規模。二曰振紀綱。三曰勵風俗。四曰明賞罰。五曰重名器。六曰遵祖宗之法。七曰杜邪枉之門。八曰裁任子之恩。九曰限改官之數。十曰編無名之賦。其杜邪枉之說。曰。比年以來。左右近習。稍有以名聞於外者。士夫奔走趨附。將帥納賂買官。遠近相傳。道路以目。願深察而痛懲之。無使或為聖德之累也。隆興改元。都督府建。改參贊軍事。力辭。建康。得免別除。禮部侍郎領職。張公初謀。大舉北征。公以為不若養成觀望。俟萬全而後動。張公從之。會謀報虜。多取狼邊邑。諸將

以爲如此。則其勢扶高必來。不可當。不若先其未動。舉兵擊之。以破散其業。張公又以爲然。乃請於朝。而出師焉。幕府次盱眙。大將李顯忠。邵宏淵。連下虹縣。靈壁。遂將乘勝長驅。公曰。盛夏興師。深入敵國。皆兵家所忌。宜亟還。不然。師老力疲。遇敵恐不可用也。張公然之。亟以檄召顯忠班師。則顯忠等已進破宿州。而虜大發。河南之兵以東矣。顯忠身出鏖戰。城下殺傷過當。會夜。兩軍不相聞知。各驚潰去。而道路流言。以爲官軍夫亡數萬。賊且乘勝南來。素主和議者。又侈其說。以搖衆心。公從張公駐兵不動。清兵聞之。稍稍來歸。計其實所亡夫數千人。張公檄公亟入奏。且勸上勿爲浮議所搖。見上具道其事。且曰。勝負兵家常事。願勿以小劫而沮大計。上曰。朕任魏公不改也。張公抗章待罪。公亦奏請從坐。上不得已。詔皆貶秩兩等。湯思退復相。公以書論。思退請罷不許。諫官尹穡陰附思退。連議罷張公都督使。復以宣撫使治揚州。公上疏曰。朝廷累以汝爲不可用。則罷之。而更屬賢將可也。若猶欲責其後効。則貶官示罰。亦古法也。今乃使之去都督甚重之權。居揚州必死之地。凡所奏請。臺諫又從而沮之。如此。則人情觀望。無不解體。後方爲賊餌。之不暇。尚何後効之圖哉。且俊近畫兩淮備禦之計。惟保險清野。可挫賊鋒。陛下既許之矣。今議者之言乃如此。

雖沒即以家行。有死無避。然沒負天下重望。一有蹉跌。人情震駭。臣恐江上之事。將有不可測者。議者但知惡沒而欲殺之。乃不復爲宗社計。此陛下所宜自憂也。願下詔書。戒勅中外。相與協濟。使沒得以畢力自效。贖其往愆。如度其終不可用。則請先治臣阿黨之罪。而後改圖。無使沒它日復誤使令。而臣亦得不可言之罪也。疏上未報。公又奏言。陛下必以沒爲不可復用。則請速詔中外。別求智勇可代沒者。而拔用之。不然。則幸且勿如沮撓。使得支吾。畢此殘歲。詞益懇切。上覽奏感悟。即詔張公復開督府。卒召相之。然不數月。竟爲思退穡等所擠。遣出視師。遂不復返。而公亦累章請罪。明年五月。乃除寶文閣待制。知泉州。復以自請。提舉江州太平興國宮。及思退貶死。上乃思公言。而太學生數百人。伏闕下拜。疏請起公。詔復命知泉州。未至。召赴闕。以乾道元年正月入對。上操勞再三。公引歐陽修司馬光之言。極論朋黨之弊。以爲詔聖崇觀以來。此說肆行。實基靖康之亂。近歲宰相罷黜。則其所用之人。不問賢否。一切屏棄。此鈞黨之漸。非國家之福也。願詔大臣。一以大公至正爲心。並用恩仇。兼忘物我。唯才是任。毋恤其它。則植堦群散。而人人得以自效矣。又奏虜騎既退。兩淮屯田似不可緩。前此行之而不見効。其失在於任人不久。而責効太速耳。爲今之計。

# 永樂大典

## 卷三一五一

莫若擇二大將，使以建康鎮江之軍分屯兩淮，而就無一路之帥，使揮軍中裨將，各以所領分屯沿邊諸州，而就無一州之守，境內財賦，得自用，以爲屋廬耕牧之費，或募新軍，或取舊人之不入隊者，授田使耕，不盡其利，則人莊趨之，遲以數年，而成効可睹矣。又勸上察群情之所甚欲者行之，所甚惡者去之，捐其所甚愛，謹其所可戒，審真偽，辨忠邪，從諫任賢，以格天心，以作士氣，庶幾戎狄畏威，不敢侵侮，除吏部侍郎，尋兼侍讀，同修國史，嘗言本朝之治，惟仁宗爲最盛，願陛下治心修身之道，專以仁宗爲法，而立政任人之際，必稽成憲而行，則慶曆嘉祐之治，不難致也。又言今日積弊，千條萬端，朝廷非不知之，而不能革者，蓋大臣受任不專，用事不久，不能以一身當衆怨，而風俗頹弊，人各有心，上所建立，有不便於己者，則輿說造訕，百計傾搖，必罷之而後已。願詔大臣，力任此責，合羣議而討論之，力行堅守，必冀有成，則風俗變而綱紀立矣。又言人才者，國家之命脉也，而論人才者，又嘗以氣節爲主，祖宗盛時，作成涵養，名公巨人，傑立角出，爭以氣節相高，頃自蔡京秦檜用事以來，摧喪既略，盡矣。太上更化之初，力拯其弊，而士徂見聞，未能盡革，臣願陛下深以爲念，氣節之士，雖有小過，猶當容之，佞邪之人，雖甚有才，猶當察之，庶幾有以作新人才，興起

頹弊，於是上顧公甚厚，蓋有意於大用矣。會錢端禮起戚里，東路駁駁入相，館閣之士，相與上疏斥之，皆爲端禮所逐。工部侍郎王弗陰附端禮，建爲國是之說，以助其勢，公抗疏力詆其非，且爲上言本朝無以戚屬爲宰相者，今若此懼，不可爲子孫法。上以爲然。端禮聞之，竊遣門下士語公曰：聞兩宮皆許相，已即相，當引公共政。公不答，退而終日不樂。請所親曰：此言矣，爲至於我哉。翌日，進讀寶訓，適及外戚事，公又極言本朝家法，外戚不預政，最有深意，陛下所宜謹守，無使天下後世有以議聖德者。上首肯久之，端禮之客，亟馳報之，端禮由是深忌，公諷使求去，除寶文閣直學士，知漳州，改建寧府，中書舍人簡安中封還詞頭，力請留公，命復下，安中不能力爭，然亦竟得罪以去，而端禮卒不相。時右正言龔夬方以排擊近習黜守遠而未上，公言：夬良前以言事補郎，且臣故交，今佞奪之，於表有不安者，不得請乃之官。在郡期年，治以寬簡，省節，府傳，官無浮費，然人服其清，亦莫之毀也。三年，執政請徙公帥江東，上稱公皁衣，俾召赴闕，既至，入對，上諭公曰：卿前去國，蓋有諍卿者，卿今日無一語自辨，朕益服卿厚德也。乃授吏部尚書，入謝之日，奏曰：鈐綜事有成法，臣固當謹守，第愚淺之見，或有不及，願陛下時警勅之，蓋君臣之分雖嚴，而情不可以不通。上

曰。卿言是也。朕或有過。卿亦當盡言。公曰。唐太宗唯能導人使諫。所以致正觀之治。今陛下導臣使諫。臣敢不奉詔。上曰。朕每讀太宗事。未嘗不慕之。觀德宗之忌刻。不樂受言。亦未嘗不鄙之也。公對曰。聖言及此。天下幸甚。速從容為上言。今日人材衰少。士氣不振。若必求全責備。而後用之。則遺賢多矣。要當君臣一意。公聽並觀。略人細過。而取其大節。去己私意。而徇夫至公。則人材彬彬。出為時用矣。又言為政而不行。甚者必改。而更化之。先儒之格言也。然臣竊以為一時之弊。政可更。而祖宗之成法。不可改也。就所當更。亦必計之。審議之熟。然後可更。既已更之。則當守之不變。而不可以屢更也。又言州縣之間。號為能吏者。往往務為急刻。專以趣辦財賦為功。而視撫字聽斷為不急。其間又有聚斂以為羨餘之數者。增市征則害商賈。督逋賦則病農民。甚或侵移常賦。貽患後人。朝廷不察。反謂有才。願有以深戒之。則天下之幸也。時上猶未能屏黜。又將游獵白石。公上疏力諫。至引漢成靈。唐狄彘。及司馬相如之言以為戒。後數日入對。上迎謂公曰。前日之奏。備見忠諫。朕決意用卿矣。公再拜謝上曰。朕在藩邸。已知卿為忠臣矣。十二月受詔館北使。遂拜同知樞密院事。兼參知政事。首薦陳良翰。林皋。劉昉等五人。恬退有守。可為侍從臺諫之儲。時龍大

永樂大典卷三十一

十二

淵曾觀。以舊恩竊寵。士大夫頗出其門。言事者語或及之。往往獲罪。及公館客大淵為副。公見外未嘗與交一言。大淵造門納謁。亦謝不見。至是中書舍人洪邁來見。語公曰。人言卿聞當除右史。某當除某官。信乎。公曰。不知也。公獨何自得之。邁以淵觀告公。明日至滿合。語諸公曰。外議久指此兩人。漏洩省中語。而未嘗得其實狀。故前此言者雖多。而不能入。今幸得此。不可以不聞。諸公皆以為然。入奏事畢。公乃獨進。具以邁語質於上前。曰。臣不知平日此等。餘月。兩人實與聞乎。抑其密伺聖意。而播之於外。以竊弄陛下威福之權也。上曰。朕何嘗謀及此輩。必竊聽而得之。卿言甚忠。當為卿逐之。公再拜謝退。米及門。已有旨出二人於外矣。中外快之。至或舉酒相賀。云一日出省。還第。有缺馬道周而不避者。公問為誰。曰。戚里某官也。公遣直省吏白二相。此輕侮朝廷。不可不治。即使詰之。且具以聞。上怒曰。朕在藩邸時。出逢相車。未嘗不避。此輩乃敢爾耶。明日以白高宗。下臨安府。捕繫其從者。重生之。知樞密院事。虞允文入謝德壽宮。高宗語之曰。卿與陳俊卿同在樞府。俊卿極方正。非如它人。面從而退。有後言也。公以兩淮藩籬未固。言於上。曰。備邊經久之計。不過也。出積粟。增辟濬隄。訓卒練兵。以為不可犯之基而已。然今日任人之弊。大抵太拘。而邊郡為尤

病謂宜廣求人才勿間文武使陳所見與定規模悉如太祖皇帝所以遇李漢超馬仁瑄輩者分之以兵使自為守饒之以財使自為用仍詔臺諫略其細過使個僕之人得以行其志而自效諸使唯鹽司為不可廢自餘皆可且罷而間遣使循行諸郡按閱稽考以行賞罰數年之後守備必固敵人知之自不敢犯萬一有之亦可責諸將以必守而無異時望風奔潰之虞矣荆襄諸郡亦宜放此大率不過得十數材力任事之人便可集事唯陛下留意圖之虜使來庭公以故事押宴使者致私覲其狀花書而不名公使却之字儀懼白公恐生事公使語之曰今日豈當用辛巳前故事耶使者詞屈乃問公爵里甚悉而易狀書名以遺曰特為陳公屈耳自是遂為例云虜又移書遣使取前所俘虜人上願輔臣議所以應之者公曰此不可以力爭而可以理勝虜方淫侈安有遠謀設欲用兵亦不必假此為詞今當且如常時泛然報云已下諸處根刷俟至三四然後報以諸處所中皆無其人或是軍前一時殺戮或是後來節次死亡且誓書之文俘虜叛亡自是兩事俘虜發過已多叛亡自不應遣且如本朝兩淮之民昨來上國兩次俘略亡虜數萬本朝未嘗以為言者誠恐破壞和議使兩國邊境之民皆不得安也如其不聽或至交兵則曲直之勢勝負有所在矣

從臣有怯懦爭言不可不手者議久未決公復上奏曰虜如此輩皆在軍中故遣官臨境揭榜招諭欲以搖我人心冀或有變而以兵來其隙此計深矣今留不遣彼必藉此以起兵端然臣竊料彼無信義專恃暴彊盡發亦來不發亦來初不以吾之從違為作輟也但發之則吾國中先自紛紛而彼乘其弊其禍甚速不發則其侵軼尚在一二年後吾但堅壁勿戰絕其糧道彼亦安能持久况兵之勝負亦有天理令我直彼曲安能逆知其必不能勝而遽為此急急乎沈介守上饒以上供負課罷郡鐫秩公爭以為不可鎮江軍帥戚方刻剝使使軍士嗟怨言者及之公奏外議內臣中有主方者上曰朕亦聞之方罪固不可貸亦當并治左右素主方者以警其餘即詔罷方而以內侍陳瑄李宗回付大理究其賄狀又諭輔臣以建康劉源亦嘗有賂於近習方思有以易之今欲且遣王朴至彼檢察姦弊留數月而後歸庶幾新帥之來不至備習公奏曰今但遣還主將則宿弊當自革矣上曰政患未得其人耳公曰苟未得人更宜精擇既已委之則當信任今未得其人而已先疑之似非朝廷所以待將帥之體况軍中積弊不在乎它持惠交結之風未革所以有聚寇自營之事今陛下既赫然罪其尤者而又并及眷阿之令中外之清莫不震攝何事於此而後可以

除宿弊乎。且軍中財賦所以激勵將士。但主帥不以自私。則其它當一切聽之。今檢柅苛細。動有拘礙。則誰復敢出意繩墨之外。為國家立大事乎。況朝廷所以待將帥者如此。使有氣節者為之。心必不服其勢。必將復得恣睢之伎。則其巧思百出。敵隨日滋。又安得而盡防耶。今不慮此。而欲獨任一介單車之使。以察之。政使得人。猶失體而無益。况不得人。則其弊又將不在將帥。而在此人矣。上納公言。罷行不遣。虜使來賀。會慶節。上壽。在郊禮散齋之內。不當用樂。公請令館伴。以禮諭之。而議者慮其生事。多請權用樂者。公乃奏請。必不得已。則上壽之日。設樂。而宣旨罷之。及宴使客。然後復用。庶幾事天之誠。得以自盡。而所以禮使人者。亦不為薄。彼自當悅服矣。上可公奏。且曰。宴殿雖進御酒。亦毋用樂。惟於使人。乃用之耳。諸公顧以為紫宸上壽。乃使客之禮。固執前議。公又不可獨奏。言曰。適奉詔旨。有以見聖學高明。過古帝王。遠甚。臣敢不奉詔。然猶竊謂更當先令館伴。以初議喻使人。再三不從。乃用。今詔則於禮為盡。而彼亦無詞。不可遽翻矣。而遂自為失禮。以徇之也。將節猶守前說。公爭愈力。上顧公曰。可即諭閣門行之。公退復為奏曰。彼初未嘗必欲用樂。我乃望風希意。而自欲用之。彼必笑我。以敵國之臣。而虧事天之禮。它時輕侮。何所不至。此尤

不可不留聖慮。上嘉納焉。既而上以當郊有雷震之異。內出手詔戒飭大臣。宰相葉顛。魏杞。坐免。公亦俟罪不獲命。越數日。遂除參知政事。公辭謝。不得已就職。言於上曰。執政之臣。惟當為陛下進賢退不肖。使百官各任其職。至於細務。宜歸有司者。自此當日。有以省之。庶幾中書之務稍清。而臣等得以悉力於其當務之急。上甚然之。一日。審察吏部所注知縣。有老不任事者。公判令吏部改注。吏白。例當奏知。公曰。此豈足以勞聖聽。明日取旨。自今此等。請勿以聞。上可其奏。時有以四明銀礦獻者。上命守臣詢究。且將召冶工。即禁中緞之。公奏曰。陛下留神庶務。克勤小物。至於如此。天下幸甚。然不務帝王之大。而屑屑乎有司之細。臣恐有識之人。有以窺陛下也。况彼懼其言之不副。則其鑿山愈深。伐民愈衆。而百姓將有受其害者。又不可以不慮乎。夫天地之產。其出無窮。若愛惜得節。常如今日。則數年之後。自當沛然。但願民安歲稔。國家所少者。豈財之謂哉。請直以其事付之明州。使收其贏餘。以佐國用。則亦不至於甚擾民矣。從臣梁克家莫濟。俱求外補。公奏二人皆賢。其去可惜。蓋近列中有以騰口交關。致二人之不安者。於是遂與同列。劾奏洪邁。恣險。擾佞。不宜在人主左右。罷斥之。七月。宰相蔣芾以憂去。公遂獨持政。抄尋兼知樞密院事。即言於上曰。臣

# 永樂大典

卷三一五一

自叨執政之列。每見三省密院。被內降指揮。苟有惡見。必皆密奏。多蒙開納。為之中止。然比及如此。已為後時。今以參預首員。奉行政令。欲之自今。內降恩澤。有未允公議者。容臣卷箴。不示同列。即時繳奏。或次日面納。上曰。卿能如是。朕復何憂。每勸上親忠直。納諫。事抑僥倖。肅紀綱。講明軍政。寬恤民力。用人之際。隨才任使。未嘗求備。異時統兵官。不見執政。無以別其能否。公日召三數人。從容與語。察其材智所堪。而密記之。以備選用。咸福建鈔鹽歲額。罷江西和糶。廣西浙米鹽錢。且蠲諸道累歲遺負。全赦錢帛。以臣億計。當是時。上於公言。多所聽用。大抵政事頗歸中書矣。既而龍大淵死。上憐曾觀欲召之。公曰。自陛下出此兩人。中外無不稱誦聖德。今若復召。必大失天下望。臣請得先罷去。上納公言。遂止。不召殿前指揮使王琪。被旨按視兩淮城壁。還為和州教授劉甄夫。上命召之。公與同列請其自。上曰。王琪稱其有才。公曰。琪為兵將官。乃其職。教官有才。何預琪事。上曰。卿等可召問之。公退。召琪責之。琪皇恐不知所對。會揚州奏。昨琪傳旨增築州城。今已訖事。公請於上。則初未嘗有是命也。公曰。若爾。即琪為詐傳聖旨。此非小利害也。容臣等熟議。以聞。退至殿廡。遣吏召琪詰之。琪叩頭汗下。公亟草奏言曰。王琪妄傳聖訓。移檄邊臣。增修城壁。此事係

永樂大典卷三一五一

十五

國家大利害。朝廷大紀綱。而陛下之大號令也。人主機務至繁。天下情偽百出。豈智力所能一一防閑。所恃紀綱號令責罰耳。今琪所犯如此。考其案牘。及所置對。前後抵牾。姦偽明審。此而可詐。則亦何所不可為也哉。臣等不勝大懼。謹按律文。詐為制書者絞。惟陛下奮發英斷。早賜處分。於是。有旨。削琪官而罷之。先是禁中密旨。直下諸軍者。朝廷多不與聞。有禁官張方者。以某事發覺。公方與同列奏請。自今有司。承受御筆處分事。宜並須中朝廷奏審。方得施行。未報。至是因琪事。復以為言。上乃悅而從之。事下兩日。則又有旨收還前命。公語同列曰。及汗如此。必關牒至內。請司有不樂者。相與為之耳。即具奏曰。三省密院。所以行陛下詔命也。百司庶府。所以行朝廷號令也。詔命必出於陛下。號令必由於朝廷。所以謹出納而杜姦欺也。祖宗成憲。著在令甲。比年以來。漸至墮紊。臣等昨以張方之辜。輒有奏陳。及此踰月。又因王琪姦妄之故。陛下赫然震怒。然後降出聖慮。亦已審矣。聖斷亦已明矣。中外傳聞。莫不默服。而昨日陛下諭臣等曰。禁中欲取一飲一食。必待中審。豈不留滯。而今又有此指揮。大臣等所慮者。命令之大。如今三衙發兵。則密院不可不知。令戶部取財。則三省不可不知耳。豈有此官禁細微之事哉。况朝廷乃陛下之朝廷。臣等偶得備數。其



問出內陛下命令耳。凡事奏審，乃欲取決於陛下。臣等非敢欲專之也。況此特申嚴舊制，亦非創立新條。而已行復收，中外惶惑，且將因循觀望，并舊法而廢之。為後日無窮之害。則臣等之罪大矣。或恐小人因此疑似，陰以微言上激雷霆之怒。更望聖明深賜體察。翌日面奏。上色甚溫。顧謂公曰：朕豈以小人之言而疑卿等耶。同知樞密院事劉珙進對語切。遂忤上意。既退，御筆除珙端明殿學士。在外官觀。公即藏去。密具奏言。前日奏劄。臣實草定。珙與王炎略更一兩字。即以投進。以為有罪。則臣當先罷。若幸寬之。則珙之除。命臣未敢奉詔也。明日復申前說。且曰：陛下即位以來。容納諫諍。體貌大臣。皆盛德事。今珙乃以小事忤旨。而獲罪如此。臣恐自此。大臣皆以阿諛順指為持祿固位之計。非國之福也。上色悔久之。公又言：珙正直有才。略肯任怨。臣所不及。願且留之。上曰：業已行之。不欲改也。公曰：珙無罪而去。當與大藩。以全進退之禮。上然之。乃以珙為江西帥。公退。又自劾草奏抵突。被命稽留之罪。上手札留之。公請不已。上曰：卿必欲去。朕當勉從。然亦且在四明。或平江。一兩月。復來可也。公以平江繁劇。辭。上使自擇兩浙近地。公因以四明為請。上乃許之。公退。即家居俟命。而翌日。上更遣中使召公入奏事。迎謂之曰：朕昨思之。卿不可去。且諫官陳良祐

永樂大典卷三十一百五十一

亦奏留卿。是非獨朕所不可。公議亦不以為可也。卿其勉為朕留。公請益堅。上曰：卿雖百請。朕必不從也。公退。復上疏。上親書其後曰：卿之忠實。朕素間知。而辭位無名。屢留愈懇。公論所協。宜勿再陳。公遂不敢復請。越數日。上喻且相公。公懇避再三。上竟不許。遂以乾道四年十月。制授尚書右僕射。同中書門下平章事。兼樞密使。公為相。以用人為己任。所除吏皆一時選尤。抑奔競。獎廉退。或才可用。而資歷尚淺。即密薦於上。退未嘗以語人。有忽被召對。改秩除用。而不知所自者。每接朝士。及牧守來自遠方者。必問以時政得失。人才賢否。見給舍。必勉之曰：朝廷政令安得每事盡善。主上從諫如流。公等意有未安。勿憚舉職。朝廷唯是之從。初不以為忤也。又以兩淮備禦未設。民無固志。萬一寇至。倉卒渡兵。恐下及事。奏於揚州和州。各屯三萬人。預為家計。仍籍民家三丁者。取其一。以為義兵。設之弓弩。教之戰陳。農隙之日。給以兩月之食。聚而教之。沿江諸郡。亦用其法。諸將渡江。則使之城守。以備禦緩急。且以陰制州兵。謂頑之患。其兩淮諸郡守臣。但當擇才。不當復論文武計資。歷指以賦。許辟官吏。略其小過。責其成功。要使大兵重要害必爭之地。待敵至而決戰。使民兵各守其城。相為犄角。以壯聲勢。而又言於上曰：國家養兵甚費。募兵甚難。惟有此策。可保

邊面可壯軍勢而樂因循憚改作之人皆以擾民為詞天下之事欲成其  
大安能無小擾以守臣得人公心體國不憚勞苦善加斟酌則教習有方  
自不至大腹矣上意亦以為然詔即行之然竟為眾論所持公尋亦去位  
不能及其成也邊民倚壯擁眾求歸北虜移人取索公以為但可說諭令  
其止歸不可捕遣以快彼意上意猶欲煩費百十以塞其意公曰祖遺一  
二已失其心使懷憤怨而知其我求索必不處之竊料其端必起於此是  
姑欲兩全而終不克於兩失之也此事本末曲雖在我然彼亦豈得為直  
若且悠悠勿遣彼公虞我有備未敢運動為一不克用兵即可令山東歸  
正之心士氣自倍矣於是卒從公計一日御札依祖宗舊制復置武臣提  
刑公言此職自景德以來置復不常今用文臣一員亦無闕事員外添置  
徒為煩費無益也乃止時虞允文宣撫四川公薦其才堪宰相上即召允  
文為樞密使至拜公左相遂以允文為右樞乾道五年八月也允文既相  
建議遣使金國以侵寢為請公既面陳以為未可復手疏曰陵寢幽隔誠  
宜予之痛惜然在今日彼方以本朝意在用兵多方為備若更為此以重  
之彼或先動則吾之事力未辦不知何以待之況使者既行中外疑惑果  
得所請猶為有名苟或未從殊失國體且天下之人亦以為陛下舍其大

而圖其細也若欲必遣則俟侍旺事定或因遣使賀正命王持偕行先與  
彼之館伴者議之或令因見虜主面陳此意彼若許遣則有必從之理若  
其不許則願陛下深謀遠慮舍其小而圖其大它時恢復故疆陵寢固在  
度內今日為之則是慕虛名而受實害臣竊為陛下危之上感公言事得  
少緩既而上御狐矢有孩激之虞公以不能先事陳戒深自負責密疏言  
曰陛下經月不御外朝口語籍籍由臣輔相無狀不能先事開陳以致驚  
動聖躬虧損威德非細事也前日乙嘗面奏伏罪聖體未寧未敢復請然  
區區之愚不敢不先言之冀或有以慮寤宸衷則臣歸死可欺無復憾矣  
臣聞自昔人主處富貴崇高之極志得意滿道不足以制欲則游岐擊  
車服宮室不能無所偏溺而不得為全德之君陛下憂勤恭儉清淨安  
凡前世英主所不能免者一切屏絕顧於騎射之末猶有未能忘者臣知  
陛下非有所樂乎此也蓋神武之略志渴恢復故俯而從事於此以圖武  
備以激上氣耳然誠如此臣亦竊以為過矣夫狐矢之復雖聖人所以  
天下然本非帝王所當親御也一劍之任其起此蓋為之而况萬乘之主  
乎趙王好劍而莊周說以天子之劍楚王好色而莊辛說以玉鼎之  
下既有志於武功誠能任智謀之上以為腹心仗義猛之材以為爪牙明

責罰以教士卒。吸信長以懷歸附。則英聲長烈。不出尊祖之聞。而敵人固已遠避。震疊於千萬里之遠矣。尚何侍臣區地射於百步之間哉。大祖皇帝深祁手絕之獻。蓋有見於此矣。又况陛下承祖宗積累之休膺太上皇帝付託之重。一身之動靜。宗社生靈之休戚繫焉。可不自重以為天下無窮之計乎。今者之事。尚賴天地祖宗密垂覆佑。即獲痊愈。使其萬一有甚於此。則貽太上之憂念。駭四方之觀聽。雖誅左右執射之人。亦何益乎。故臣願陛下常以今日之事。永為後來之戒。不惟志之聖心。而又書之。懸杆銘之。凡杖。不使須臾忘之。則天下幸甚。且古之命大臣者。使之朝夕納誨。以輔德。繩愆糾繆。以格非。欲其有以正君之過於未形。而不使著見於外也。唐太宗膺鷹。將獵。見魏證而遽止。憲宗蓬萊之遊。憚李絳而不行。此其効也。臣人做望。輕無二子。胥經強諫之節。致陛下過舉彰聞於外。今誅將及身。而後乃言。亦何補於既往之咎哉。雖然。懲美者必吹於簞。傷桃者或戒於李。弓矢之技。人所常習。而易精。然猶不免今日之患。况毬鞠之戲。本無益於用武。而激射之虞。漸靡之變。又有甚於弓矢者乎。聞者陛下頗亦好之。臣屢獻言。未蒙省錄。今茲之失。乃天之仁愛陛下。示以警懼。使其小而成其大。誠宗社無疆之福也。陛下誠以茲斷之變思之。則向之盛氣馳

騁於奔蹶擊逐之間。無所踣蹙。蓋亦幸矣。豈不為之寒心哉。大祖皇帝嘗以墜馬之故而罷獵。又以乘醉之誤而戒飲。還善改過。不俟放踵。此子孫帝王萬世之大訓也。且願陛下克已厲行。一以太祖為法。罷毬鞠之會。并騎射之習。謹威儀之節。玩經曲之訓。則盛德輝光。將日新於天下。而前日之過。何傷日月之明焉。既而曾觀官滿當代。公度其必將復入。預請以浙東總管處之。上曰。觀意似不欲為此官。公曰。前此陛下去此兩人。中外無不欽仰。威德今外間。往往竊議。以謂觀必復來。願陛下且捐私恩。以伸公議。上稱善久之。已而又以墨詔進觀官。公復持不可。曰。必爾亦當有名。會當賀。全國正旦。乃請以觀為副。還奏。因以例還其官。而竟申浙東之命。觀猶遲徊不去。公戒閤門趣觀。即日朝辭。觀怏怏而去。樞密承旨張說欲為親戚求官。憚公不敢言。會公在。告請於右相。得之。公聞初已出。詰吏留之。說皇恐。指公謝。右相亦愧甚。然猶為之請。公卒不與。說以是亦深怨公。永陽郡王居廣。欲為其客求徽祠。先使人伺公意。公曰。它官則不可。徽祠無傷也。然居廣憚公嚴正。卒不敢啟。以吏部尚書汪應辰舉李坐應制。拜有旨召試。權中書舍人。林機言。坐詞業未經。後有平奏。且獨試。非故事。公奏元祐中。謝宗亦獨試。機蓋為人所使。且喻公詰之。乃機與諫官施元之。

# 永樂大典

卷三一五一

密謀以是沮應辰而對。上又不以實公。因極論其委。遂詔罷二人。朋比交通之狀而罷之。中外稱快。然應辰竟以與右相議事不合求去。公奏應辰剛毅正直。士望所屬。當有以留其行者。因遂數為應辰。可以執政。上初然之。而後竟出應辰守平江。自是上意益向允文。而公亦數求去矣。明年允文復中前議。三日上以手札諭公曰。朕痛念祖宗陵寢。淪於腥羶者四十餘年。今欲遣使往請。卿意以為如何。公奏曰。陛下焦勞萬幾。日不暇給。痛念陵寢。思復故疆。臣雖疲滿。豈不知激昂憤切。仰贊聖謨。庶雪國恥。然性質頑滯。於國家大事。每欲計其萬全。不敢輕為嘗試之舉。是以前者留班面奏。欲俟十二年間。彼之疑心稍息。吾之事力稍充。乃可遣使往返之間。又一二年。彼必怒而以兵臨我。然後徐起而應之。以逸待勞。此古人所謂應兵。其勝十可六七。茲又仰承聖問。臣之所見。不過如此。不敢改詞。以迎合意指。不敢依違。以規免罪戾。不敢僥倖。以上誤國事。惟陛下察之。繼即杜門上疏。以必去為請。三上乃許。遂以觀文殿大學士。知州兼福建路安撫使。陛辭。猶勸上速接親賢。修政事。以攘夷狄。泛使未宜輕遣。然公既去。允文遂遣使。竟不獲其要領。而曾觀亦召還。遂建節旄。歷使相。以躋保傳。而士大夫莫有敢言者矣。公至福州。政尚寬厚。而嚴於治盜。明年定海水。

永樂大典卷三十一百五十一

十九

賊倪即侵軼閩。廣海道騷然。公召統領官鄭慶。授以方略。慶頓逗留。以風為解。公植旗於庭。視其所。慶知公不可欺。晝夜窮追。遂志禽捕。海道以清。上嘉其功。特遷銀青光祿大夫。力辭不許。始公任政。建言選人獄。廟無事得祿。又理考任。陞改。此太僕侍。且非祖宗舊法。奏請革之。人以爲當。而權貴多不悅。扇為浮論。游說萬方。公持之不變。衆亦自定。略計一歲可省。冒濫改官者三十員。至是不悅者。幸公去。卒奏改之。公猶抗疏辨理。然事已行。不及止也。燕書節度判官事。尚大仲以事忤。提刑獄鄭興裔。興裔廉得其罪。以語公。公即以屬史驗問。未竟。憲屬張位。擅呼獄吏。喻以意旨。公劾奏位。并大仲罷黜之。興裔勢大沮。皇恐。託它事出。按旁郡。以避公。轉運判官陳峴。建議改行鈔鹽法。公移書宰相曰。福建鹽法。與淮浙不同。蓋淮浙之鹽。行八九路。八十餘州。地廣數十里。食之者衆。販之者多。百貨可通。故其利甚博。福建八州。下四州瀕海。已為出鹽之鄉。惟汀邵劍連四州。可售。而地狹人貧。土無重貨。非可以它路比也。且四州每歲舊額。當運鹽千三百萬斤。而實運僅及九百萬。蓋食鹽之民有限。其勢不可以復增也。然漕司以此歲得三十餘萬緡。而四州二十餘縣。供給上下。百費皆取於此。二三十年以來。州縣稍無科擾。百姓亦各安便。此則官自懲鹽。亦不

為不利矣。今欲改行鈔法。比於它路。且於額外更責以增需取贏。而又陰奪州縣歲計以充其數。此不可之大者也。而或謂官鹽不行。由私販之不禁。今若稍嚴。必倍其利。此知其一而不知二者。福建民貧。上四州尤甚。性復強悍。輕生喜亂。農桑之外。多利私販。百十為羣。操持兵仗。官不能禁。託名魚鱗。量收稅錢而已。貧民既有此路。可以自給。則不至輕於為非。官司又得此錢。亦足少助經費。今欲改行鈔法。已奪州縣歲計。又欲嚴禁私販。必虧稅務常額。而貧民無業。又將起而為盜。夫州縣關用。則必損缺農民。稅務既虧。則必重征商旅。盜賊既起。則未知所增。三十萬緡之入。其足以賞調兵之費。否則將來官鈔或滯不行。則必科下州縣。州縣無策。必至抑配民戶。本以利民。而反擾之。此恐皆非變法之本意也。欲望朝廷更下有司熟議。或令建議之人。一以身任其責。必有以見其決然可行者。然後行之。則庶乎其不悞也。當時諸公不能用。然鈔法果不行。又明年。力請開。遂以提舉臨安府洞霄宮歸第。敝屋數椽。湫隘特甚。怡然不以屑意。淳熙二年。再命知福州。辭不得請。乃行。民習其政。不勞而治。始至。帑藏空竭。公節省浮費用。亦不乏。會有旨。盡發本路海船。及揀中禁軍土單。公奏曰。陛下厲精為治。約已利民。至於軍須之用。亦無取之民者。獨於海舟尚藉民力。

永樂大典卷三百五十一

千

蓋不獲已。然自頃邊事既息。率三分調一。以備守禦。非有緩急。不盡發也。此意亦已厚矣。今乃但以教閱之故。而使三番併發。彼不當番者。既已遠出。豈能遽歸。則必徒使其家有連逮係累之擾。至於拖師水手。其技素昔。初不待教。但其平日類皆轉移執事。今固不容拘以名籍。則又安知今日所教。必為異時所用之人哉。何補於事。而煩擾如此。且去歲朝廷疑州郡有所隱漏。遣黃飛英點集拘留。留半年始得放散。商賈固已失業。今而併發。寧略計本路所發。五百七十艘。用拖師水手萬餘人。留也五月。猶設借請朝廷。費經總制錢六十餘萬緡。米六七萬餘碩。衣裝器甲。與夫州縣之費。又不在是。推此一路以觀兩浙。則其費又當倍之矣。又况民力不可不惜。大衆不可輕動。無事而發。玩習為常。一旦有急。或反誤事。苟若盡以教閱。付之州縣。或令且發一查。當亦未至闕事。而船戶既蒙擾恤。異時或有緩急。雖赴湯蹈火。亦不避矣。其揀中禁軍。已行起發。但本路帶山瀕海。民俗強悍。私販寇盜。所在有之。全賴土軍控制之力。向來戚世明衛命揀選。但欲數多。未嘗精擇。福州十三寨。合千九百人。而揀中者已千七百餘人。所餘逐寨不過十人。今若將揀中人盡行起發。則州縣表裏空虛。姦民得計。其害有不可勝言者。欲乞許留其半。以備緩急。詔皆施行。如章公

又嘗奏本路上四州軍。及江西湖北諸郡。豪猾之民。多由衣食不充。相結為盜。盤據險阻。官軍多不能制。近者茶寇。雖平其類尚多有之。與其縱使為盜。不若籠以為兵。謂且專委逐路帥憲。選間居官員有方略者。及土豪有信義者。毋拘以文。使風喻此曹。令各以其技自獻。官為格試。收而籍之。或判其手置寨。教閱。厚其衣糧。拔其尤異。補轉資級。因事立功。更加優賞。或有小寇。責之收捕。決可討平。異時或欲起發。亦必感奮為用。此銷盜賊。嚴武備。固根本之小策也。既而州境大旱。夫大延境。且有星隕地震之異。公悉以其事上聞。且曰。一夕之間。變異兩見。臣愚不學。莫原休咎之端。惟刺震恐。竊計陛下必欲聞之。不敢不奏。上感其言。適州校有部綱。至在所者。上忽召入問。公治行甚悉。即降親札。撫勞。賜以帶笏香藥。甚厚。三年。太上皇帝聖壽七十。頒慶宇內。公以紹興從官。特轉金紫。光祿大夫。四年。復累章告歸。上欲許之。而難其代。為遲回累日。乃除特進。提舉洞霄宮。五年。五月。起判隆興府。未視事。改判建康府。江南東路安撫使。兼行宮留守。且詔赴闕奏事。既至。都人聚觀。無不咨嗟。喜公之將復用也。入對。帝拱殿。上為改容致敬。命坐。賜茶。宣問。款至。公因從容言曰。擇將當由公選。臣聞諸將多以賄賂交結而得之。如此大壞軍政。上曰。大將交結。恐或因仍。如統

領官以下。皆朕親選。前日鄭鑑亦有是說。朕再三諭以無是事矣。鑑公塔也。故上語及之。公即奏曰。臣在遠。亦聞鑑以小臣。輒論朝廷事。陛下和顏聽納。中外莫不仰服聖明。從諫之美。然諸將交結之弊。則陛下不可以不察。蓋主兵者。待之不以材能。而以貨賂。則其下不服。必致誤事。上曰。誠然。公又奏曰。陛下選用人材。當辨邪正。然又必由朝廷。乃合公論。如聞曾鞏王荊。招權納賂。薦進人材。而皆以中批行之。外間口語籍籍。思盡歸於此輩。諺獨羊於陛下。此非宗社之福也。上曰。小小差遣。或勉徇之。至於近上差除。此輩豈敢干預。公曰。此輩未必敢於陛下之前。明有論薦。或恐探知聖意。而傳報於外耳。大抵禁中事。外間無不聞。皆此曹所為。大非美事。願嚴加戒約。上亦然之。公又奏曰。比來出令多不審隨。即變更祖宗故事。固不能守。而陛下初政。力去弊事。可以為後世法者。今亦不能守矣。上問何事。公曰。如未銓試。不得注官。未歷任。不許堂除之類。今皆以內降放行。奏上曰。此誠一時不思之過。公又奏曰。賊吏最可惡。比亦有已經勘結。而直降內批。改正者。如此。天下何所懲勸。上曰。恐無此事。公曰。臣知其入。但事已往。不欲斤其姓名耳。此皆左右害政之大者。陛下不可不每事加察。防其微漸。上曰。卿言甚當。朕若知之。決不容也。既退。上遣中使賜金器犀帶。

香茶。明日朝辭。上曰：卿遠來得相見。氣貌不減。往時。今年幾何矣。公對曰：犬馬之齒六十有六矣。上曰：極清健可喜也。公因奏曰：臣去國九年。重入修門。見都下較賤物。平人情安。惟是士大夫風俗大變。上曰：何也。公曰：向來士夫奔競。拊之門。十才一二。尚畏人知。今則公然趨附。十已七八。不復有顧忌矣。人才進退。由於私門。大非朝廷美事。上曰：拊則不敢。覲雖時或有請。朕亦多抑之。自今不復從矣。公曰：陛下之言雖如此。其如外間喧傳。某人由某人之薦。某人出某人之門。此曹聲勢既長。臺諫侍從。往往多出其門。願指如意。朝廷亦惟命是聽。無敢為陛下言者。天下靡靡。風俗日趨敗壞。奈何。臣昨所奏。將帥賄賂交結。又為特甚。不惟士大夫言之。雖軍伍使臣。朝廷胥吏。下至走卒。亦能言之。獨陛下以為無有。臣恐小人姦計百端。巧為彌縫。使陛下獨不悟此。不可不深察而嚴禁也。陛下信任此輩。壞朝廷之紀綱。廢有司之法。令敗天下之風俗。累陛下之聖德。臣實痛之。願陛下勿忘。臣此四言者。常留聖慮。則天下幸甚。上曰：卿到建康。見兵將有如此者。一一奏來。公又奏諸路監司。亦望精擇。須稍諳練。有風采之令。乃可用。若青梁子弟。未更民政。權要子姪。親故。率皆負勢妄作。為一路之害。上因語及人材。問公識某人否。公對曰：臣素知之。今日正當得此等人。

市之朝列。則所謂猛虎在山。暴龍不養。汲黯在朝。淮南寢謀者也。願陛下留意。上為沈思久之。上初欲為公設宴會。亦疾不果。乃命二府飲餞于浙江亭。公去建康。至是蓋十五年。父老喜公之來。所至相聚。以百數。焚香迎拜。如見親戚。公為政平易寬簡。悉罷無名之賦。所有軍屯。異時多為民害。公為出令。犯者當取旨以軍法從事。諸軍肅然。行宮高輪。別以宦者主之。留守侍之如部。使者禮。時節按行殿中。則宦者置酒自坐東偏。而留守願為客。其或邀去。就飲其家。公悉罷之。宦者浸不懽。而不能害也。建康距淮南一水間。每聞邊面利害。無不言。嘗奏北界群盜百餘。焚掠淮陰。殺人甚囚。執縛官吏。此由跳河盜馬之徒。有以誘之。請加嚴禁。而於沿淮諸縣。量增戍兵以防之。其自北方來歸者。則慰諭而勿受也。又奏密院。昨下諸郡造甲。自有程限。而諸郡爭先希賞。不無進集之擾。乞行戒諭。以安農業。且自頃罷兵。至今十五六年。諸軍造甲。當已足用。而御前軍器所甲匠。又凡三千五百人。若以百工為一具。則以歲計之。今不啻十四五萬具矣。行宮之甲。見管四萬。今諸郡所造。計亦不下三萬。欲望試加檢括。苟可足用。即逐州常年合納甲業。鐵炭之類。或可間年。量與裁減。亦寬民力一事也。又奏曰：陛下深念諸軍。有口食而康。既不足以自贖者。特降緡錢三總。預

# 永樂大典

卷三一五一

司各付以二十萬。俾之回易。歲取息錢五分。以為優給。甚大惠也。然商賈之利。不過什一。今以總所之權。奉朝命用禁。而責五分之息。其勢必至於盡。籠商賈之利。陰奪場務之課。使道途嗟怨。公私困竭。而淮西總司。歲以十萬緡者。散之兩軍。多者不過兩千。少或僅得千緡。以朝廷黃榜措買使。此曹終歲仰望。而所得不過如此。得者既未足為惠。而不得者。又有怨言。甚無謂也。請亟罷之。而歲捐交子三十萬於一司。以其半給諸軍之口米者。以其半大閱而激揚之。不惟名正惠周。亦可少振士氣。而數路細民。商旅受賜。又不貲矣。是時御前多行白劄。十率用左右私人賞送。而迎送饋遺。體同王人。至是樞密承旨王杵。遣所親以劄來。吏白故事。公悉罷之。因上奏曰。號令出於人主。行於朝廷。布於中外。古今之所同也。間有軍國機密文字。或御前批降。則用實行下。此所以示信而防偽也。今乃直以白劄傳旨。處分事宜。於數百里之外。則臣不知其可矣。其間亦有初非甚密之事。自可付之省部。今用白劄。雖無甚害。然白劄既信於天下。則它時緩急。或有支降錢物。調發軍馬。處置邊防。干國家大利害事。其間豈能保其無偽。若嚴重知體之人。必須奏審。則往來之間。或失事機。若庸懦無識之人。即便施行。則真偽不分。豈不惧事。况祇稟文字。只付差來人。或令回申。元

永樂大典卷三十一

二十一

承受處。到之與否。不可得知。此於事體尤為非便。惟陛下察而改之。上為手札獎諭。愧謝其意。公尋上章請致其事。答詔不允。上又出手札付三首。除少保。加恩判建康府如故。宣制之日。亦上所自定。蓋異禮也。公力辭。以為曾公亮嘗言司空非貴勞之官。卒不受拜。今之少保。即昔之司空也。况又無勞。其敢受乎。上手札致諭。至于再三。公乃受命。時江東諸郡皆旱。而南康廣德為尤甚。上詔公預講荒政。公奏曰。薄征緩刑。已責勸分之屬。不敢不勉。亦已揭榜招誘米商。嚴戒場務。毋得征稅。但恐未到之間。民已流散。不可復收。欲乞於本路諸州。朝廷椿積數內。借米三十萬碩。較二十萬碩。分給州縣賑糶。而又繼以常平之粟。仍先揭榜諭之。使細民不至流移。富家不敢閉糶。商旅不敢邀價。又奏乞除放淳熙四年夏秋通賦。權罷淮東和糶。倚閣時零夏稅。申明納粟賞格。上多從之。惟所借椿積米數。前後三奏。詞甚懇激。而廟堂有不樂公者。才得三萬斛。人皆為公憂。而公處畫有方。船粟四集。境內帖然。民無流徙。咸仰公德焉。八年正月。復上告老之章。累詔不允。而公請益堅。一月。除醴泉觀使。進封中國公。將歸。為本道守令耿秉等五人。皆以次擢用。九年正月。公之年已七十矣。元日。即謝醴泉之休。復呈疏申前請。凡表五上。上又手批其奏。卻之。是歲親祠。召公陪位。



公力辭。又三表懇請。告休不獲。即為手劄以請。上不得已。詔以少傅致仕。進封福園公。有司以法當給全俸。公按富文忠公故事。獨受少傅之祿。餘悉歸之。十一年十月七日上。以公生朝。遣使賜手詔。金器香藥。十二年。又詔公陪祀南郊。且以增太上尊號。來歲當行慶壽之禮。上諭宰臣曰。陳丞相久不相見。宜趣其來。若赴陪祠不及。亦可赴慶壽。且是禮之行。尤以元老在廷為重也。公拜疏辭行。上復手札催促。書其末曰。付陳少傅而不名也。公竟懇辭。慶典告成。群拜少師。進封魏園公。公辭避再四。乃受。十三年十一月。屬疾。二十一日疾革。夜半手書一紙。示諸子曰。予病恐不能自還。生死大數。無足悲者。白屋起家。致身三少。報國無功。叨榮有覲。獲死牖下。尚復何云。遺表只謝聖恩。無得祈求恩澤。死之後百日入葬。不用僧道追薦等事。吾欲以身率薄俗。汝等不可違也。無功無德。無得立碑請謚。汝等勿學善為人。惟忠惟孝。可報國家。此外無可祝命。婦女出履門。願謂中子守曰。遺表惟以選用忠良。恢復竟土為請。可也。翌旦。整冠歛衽。神氣靜定。安卧而薨。先是。郡之鎮山壺峯。大石崩墜。聲聞數里。是日地復大震。鄉人異之。公生二十有六年而仕。仕三十年而相。相二年而去。去十三年而老。老三年而薨。薨之年。蓋七十有四矣。上聞其喪。對輔臣嗟悼久之。再輟視。

朝贈太保。令本路轉運司給葬事。後數月有旨。賜謚。遂以靖共其位。文賢有成。二法謚公曰正獻。而以制可告于第。公孝友忠敬。得於天資。為人清嚴好禮。終日無惰容。雖疾病。見子孫必衣冠。宵懷坦然。遇人無少長。一以誠實。一言之出。終身可復。平居恂恂。言若不出諸口。而在朝廷。危言正色。分別邪正。排斥權要。無所顧避。論事上前。指切時病。如請起張忠獻公。乞斬張去為。按逐龍曾。議復奏審。及極論近習。弄權納賂。鬻賣將帥之弊。皆卓犖奇偉。為天下安危治亂之所繫。一時上意雖未即開納。公必懇請再三。然心平理順。色溫氣和。無激訐近名之意。上多悅而從之。處國家。願大體。務持重。不為幸勝苟得之計。在中書。尤以愛惜名器。裁抑僥倖為事。故小人多不樂。而聖主獨深知之。是以居外積年。眷禮彌厚。歲時錫賚。存問不絕。年六十七。即告老于朝。上所以留之甚至。且屢稱其忠誠不欺。為當今賢相。公子守。嘗以宗正寺簿奏事殿中。上顧問公甚厚。陪祠之召。蓋將有所咨訪。而公病不能行。天下有志之士。至今恨之。然非為公私恨也。公性寬洪簡淡。無私喜怒於天下士。泛然若無所親疎。而好賢之心。實為於內。於一時人材。為達善氣。然皆不以語人。有如素之不肖。公前後蓋嘗三薦之。而赴建康時。對語尤切。然素皆莫之知也。雅善。故端明殿學士汪公

應辰。數文學士。李公燾嘗曰。吾待罪宰相。所以幸無過舉者。三公之力也。於人無所恣意。錢端禮嘗沮公。洪邁亦與公不合。至入相。皆以名藩大郡處之。治郡崇尚風教。民有骨肉之訟。親以義理反覆譬之。爭者亦悔悟。感泣而去。所至民必相率為生祠。且立碑以頌公德。公聞之。亟命禁止。而碑其碑。平居自奉甚約。言談舉止。不改鄉閭之舊。食不過一肉。而衣或二十餘年不易。晚歲築第。不為華侈。僮使不過數人。皆謹慮忠朴。門庭闕然。過者或不知其為公相家也。俸賜入門。多以施與。撫愛宗族。恩意甚備。內外總功之喪。必素服以終月數。在官不受饋遺。建康諸司例有月餉。公不欲與衆別儲之。以周貧上之往來者。將去所餘。裝為緼。悉歸之。公於外物澹然無所好。獨喜觀書史。疾病猶不釋卷。其學一以聖賢為法。於浮屠老子之說。未嘗過而問也。嘗有詩曰。吾方蹈丘軻。未暇師繁可。此足以見其志矣。有遺文二十卷。奏議二十卷。娶聶氏。封唐國夫人。子男五人。寔。朝奉郎。通判泉州事。守。承議郎。權發遣漳州軍。文。承奉郎。有志於學。而蚤卒。燾嘗銘其墓以哀之。必宿告承事郎。女四人。長。直進士。黃浦。以過故。著作佐郎。鄭。鑑。再適太常少卿羅點。次。適奉議郎。通判漳州事。梁。億。幼未行。孫男四人。庶承務郎。址。坦。皆承奉郎。望。未官。孫女六人。長。許。嫁。修。職。郎。泉州司

戶趙善綽。餘幼。初公歸自金陵。即預為棺。嘗遊鄉縣之保豐里。龍汲山。妙寂僧舍。愛其山水。徜徉久之。命作壽藏。既竟。請孤慈。遵遺戒。惟百日而寔。懼於不懷。則以十五年七月二日。奉公之柩。葬焉。謂。燾。蒙。公。知。晚。歲。尤。為。授。以。家。傳。使。最。其。迹。以。告。于。太。史。氏。燾。不。得。辭。直。書。其。事。如。右。以。俟。米。擇。謹。狀。淳。熙。十。五。年。十。二。月。日。朝。奉。郎。直。寶。文。閣。主。管。西。京。嵩。山。崇。福。官。朱。燾。狀。宋。楊。誠。齋。丞。相。太。保。魏。國。正。獻。陳。公。墓。誌。銘。皇。天。佑。宋。俾。萬。億。年。作。民。主。自。祖。宗。暨。于。中。興。必。畀。以。傑。魁。文。武。之。佐。負。大。公。至。正。之。望。為。一。世。善。類。之。宗。故。其。人。未。用。而。天。下。望。之。既。用。而。天。下。悅。之。既。去。而。天。下。惜。之。其。進。其。退。若。子。小。人。視。之。為。己。用。舍。四。海。生。靈。視。之。為。己。戚。休。中。國。四。夷。視。之。為。國。輕。重。在。仁。宗。時。則。有。若。杜。韓。富。弼。在。哲。宗。時。則。有。若。司。馬。文。正。在。高。宗。及。我。聖。上。時。則。有。若。廣。漢。張。公。甫。田。陳。公。嘉。嘉。堂。堂。後。先。相。望。偉。如。也。初。紹。興。庚。辰。辛。巳。間。虜。情。劇。甚。國。勢。隳。兀。天。下。之。望。在。張。公。而。廷。臣。莫。敢。以。聞。首。請。用。張。公。以。大。慰。民。望。卒。安。宗。社。者。陳。公。也。是。時。為。姓。三。軍。稱。張。公。為。都。督。而。陳。公。為。小。都。督。其。繫。人。望。如。此。至。於。乞。斬。大。璫。張。去。為。尼。外。戚。餞。端。禮。之。相。逐。倖。臣。龍。大。淵。曾。覲。議。復。奏。審。之。法。及。極。言。近。習。弄。權。債。帥。納。賂。等。弊。皆。根。抵。天。下。治。亂。天。下。稱。誦。其。卓。詭。絕。特。之。舉。

者皆陳公云詩曰人之云亡邦國殄瘁。迺淳熙十有三年秋七月二十有二日。民之無祿少師觀文殿大學士魏國陳公以薨。聞天子震悼。對輔臣驚歎久之。為輟視朝。又再輟視朝。贈太保。諡曰正獻。令官治葬。以十五年七月二日葬于莆田縣保豐里龍汲山。朝奉郎直寶文閣。主管西京嵩山崇福宮。朱公熹狀其行。子守以請。銘于太史氏。而廬陵楊萬里實執筆。侍罪。厥官。銘其可辭。公諱俊卿。字應求。其先穎川人。永嘉之亂。大尉廣陵郡公準之孫。西中郎將遠南遷。泉江歷唐五季。而大尉十九世孫真。二十一世孫嶠。沅始居莆田。自沂公以降。以好施聞。公生而莊毅。不妄笑。言七八歲如學。冀公薨。執喪如成人。少長益自厲。紹興八年。舉於禮部。知舉朱公震。張公致遠。得其試。文曰。公輔器也。真首選。有不可者。屈居第二。授左文林郎。泉州觀察推官。秩滿。改宣義郎。故事。當入館學。時秦檜容公不附己。以為南外睦宗教授。終更。遣朝道中。一日。忽心悸。亟馳歸。冀國夫人已即世。乃以是日屬疾。云服除。員外。置通判南劍州。檜死。乃以秘書省校書郎召。非公事。未嘗詣執政。今天子為普安郡。高宗命宰相擇可輔導者。爭欲植所善。高宗不可。命擇館職。靜厚者。乃以公對。除著作佐郎。兼普安郡王府教授。尋遷著作郎。在郎二年。講說常傳經。以規歷司。黜禮部。以外郎樞密

院檢詳諸房文字。監察御史。殿中侍御史。韓仲通以獄無辜。趙秦檜增黨。盡逐。仲通獨全。劉寶總。戎格克。併按抵罪。宰相湯思退。東政。國言。稽稽。會冬。無雪。而雷。公言。思退。文藝。有餘。器識。不足。無以堪重任。詔罷。思退。全虜自燕。徙。汴。謀入寇。中外震恐。而揚在中。久握兵柄。尤以培克交結。得幸。士皆怨。咨。三十一年。春。正月。望。大雷。雷。已而雨雪。公引春秋書。雷雪相距八日。其變有漸。今日並見。此夷狄陵中國。臣下竊威權之象。遂彈存中。天子為罷存中。而奪之兵。時虜虜已形。公言。宜亟擇大帥。盡護諸軍。而在廷莫有堪其選者。舊臣唯張忠獻在。因於議。謫居湖湘。中外翕然歸之。上心益疑。公上疏曰。竊惟今日事勢危迫。軍民士夫。皆曰張浚。忠義文武。且習軍事。可當國寄。臣素不識浚。亦聞其人。意廣才疎。雖有勤王之節。安蜀之功。然其敗事亦不少。特其許國之忠。白首不渝。廷臣未有過之者。竊聞讚者言其陰有異志。若付以權。恐漸難制。夫浚之所以得人心。伏士論者。為其有忠義之素心也。若其有此。人將去之。誰復與之。臣願陛下。察其謬誤。略加辨白。且與除一近郡。以繫人心。上大悟。宦官張去為除沮。戰。遂且請避狄公。請斬之。上愕然曰。卿仁者之憂。明日除權兵部侍郎。後數月。范州張公守建康。邊報益急。王師始北渡江。據要害。然戰議猶未決。公言。今守

# 永樂大典

## 卷三一五一

禦略備上策亦振壯虜名米持以重兵倚以間道上策也嚴備禦開屯田中策也受其甘言飲其增幣無策矣虜兵尋渡淮公受詔經理浙西我是以有膠西之捷公勸上進幸建康上然其計未發而虜自亂殺虜新首遣使求成朝廷議所答或曰歸疆者實利正名者虛名多附其說公亟言曰今日正名之日也今天子受禪公入對陳戒懇切且言今日之事必也清心寡欲解遠便佞用志專一見理明則邪正分功業就七月遷中書舍人尋以職充江淮東路宣撫判官兼權建康府事時上初即位慨然有雪讎耻之志方屬張忠獻公以聞外事顧在廷無可使佐之者以公忠義奮發沉靜有謀故有是命公與張公協謀效力大飭邊備十一月召給札條時弊公陳十事曰定規模振紀綱勵風俗明賞罰重名器遵祖宗之法杜邪枉之門裁任子之思限改秩之數竊無名之賄其杜邪枉之說曰比來左右近習名聞於外士夫以身附矣將帥以賂易官隆興改元都督府建隆禮部侍郎參贊軍事張公初謀大舉北征公以為養成觀震侯萬全而動從之會虜盛兵聚糧邊邑諸將謂秋高必來不若先之張公以為然乃表出師是時六月師興出虜不意幕府次盱眙大將李顯忠邵宏淵連下虹靈壁二縣禽其大將大周仁蕭琦縛至麾下將乘勝長驅公曰盛夏興師深

永樂大典卷三一五一

三七

入敵國皆兵家所忌宜亟還張公坐檄顯忠班師而顯忠等已進破宿州虜亦大發河南之兵以冬顯忠身軀戰賊下自朝及暮殺傷過當虜氣皆為中興以來王師之捷鮮有此舉會夜雨不相知而驚虜潰而止我師潰而南而流言以為我師大失利虜且乘勝而至主和議者又侈其說以搖眾公從張公駐兵不動潰兵聞之稍稍來歸計其實所亡夫財數十人張公檄公亟入奏公見上具道其事且曰勝負兵家之常願勿以小劔沮大計上曰朕任魏公不降張公抗章待罪公亦請從坐上不得已詔皆貶秩二等湯思退復相公以帝諭思退請罷不許諫官尹穡除附思退議罷張公都督復以宣撫使治揚州公上疏曰今使沒去都督甚重之權居揚州必死之地凡所奏請臺諫沮之如此則人情解體後方為賊餌之不服且後近畫兩淮備禦之計惟保險清野可挫賊鋒陛下既許之矣今議者之言乃如此雖沒盡室以徃有死無避然後負天下重望一有蹉跌人情震駭臣恐江上之事將有不可測者議者但知惡浚而欲救之乃不復為宗社計願詔中外相與協濟使沒得以畢力自効上感悟即召張公復開督麻卒心相之然不數月竟為思退穡等所擠遣出視師遂不復返而公亦累章請罷明年五月乃除實文閣待制知泉州公固請祠除提舉江州太平

興國宮及思退脫死。上乃思公言。太學生數百人伏闕下拜疏。請起公上  
 勞之再三。公引歐陽修司馬光之言。極論朋黨之弊。以為紹聖崇觀以來。  
 此說肆行。實基靖康之亂。近歲宰相罷黜。則其所用之人。不問賢否。一切  
 屏棄。此鈞黨之漸。非國家之福。除吏部侍郎。尋兼侍讀。同修國史。嘗言本  
 朝之治。惟仁宗為最。願陛下治心修身立政用人。專以仁宗為法。此今  
 日之要也。大臣受任不專。用事不久。不能以一身當眾怒。此今日之敵也。  
 人才國家之命脉。前所又人才之命脉。祖宗盛時。作成涵養。名公巨人爭  
 以氣節相高。自蔡京秦檜用事。摧喪略盡。此今日之戒也。於是上有意大  
 用公矣。會致端禮起戚里東政。駸駸入相。館閣之士。相與上疏斥之。皆為  
 端禮所逐。工部侍郎王希陰附之。公抗疏言本朝無以戚屬為宰相者。及  
 進讀實訓。適及外戚事。公又極言本朝家法。外戚不預政。最有深意。上首  
 肯久之。端禮由是深忌公。公力求去。除寶文閣直學士。知漳州。改建康曆  
 公既去。而端禮亦卒。不相三年。召為吏部尚書。時上猶未能屏鞠戲。又將  
 改白石。公上疏力諫。至引漢成靈。唐敬穆。及司馬相如之言。以為戒。後數  
 日入對。上迎謂公曰。前日之奏。備見忠謹。朕決意用卿矣。十二月。詔館虜  
 使。遂拜同知樞密院事。兼參知政事。首薦名士陳良翰。林栗。劉翥。時龍大淵

永樂大典卷三十一百五十一

天

曾觀以舊恩。佑龍士。夫頗出其門。言者往往獲罪。及公館客。天淵為介。公  
 見。外不交一言。大淵造門不答。偶中書舍人洪邁來見。語公曰。人言某當  
 除某官。公曰。何自得之。邁以淵觀告公。其以邁語質於上前。曰。臣不知平  
 日除目。兩人實與聞乎。卿密伺聖意。而竊弄國權也。上曰。朕何嘗謀及此  
 輩。即黜二人。知樞密院事。虞允文入謝。德壽宮。高宗語之曰。卿與陳俊卿  
 同在樞府。俊卿極方正。公以兩淮荆襄。藩籬未固。言於上曰。備邊經久之  
 計。不過屯田積粟。增辟濬隍。訓卒練兵而已。然今日任人太拘。而邊郡尤  
 病。謂宜廣求人才。勿問文武。使陳所見。與定規模。悉如太祖皇帝。所以遇  
 李漢超。馬仁瑀輩者。分之以兵。使自為守。饒之以財。使自為用。虜使來庭。  
 公以故事押宴。使者致私觀。其贖不名。公却之。使者乃書名虜移書。遣吏  
 求歸亡命。上顧輔臣議所答。公曰。得虜歸叛亡否。此截書也。鎮江軍帥戚  
 方培克。軍士嗟怨。言者及之。公奏外議。內臣中有主方者。上曰。朕亦聞之。  
 方罪固不可貸。亦當併治。嘗阿者。以警其餘。即詔罷方。而以內侍陳瑒。李  
 宗回。付大理。究其賄狀。虜使來賀。會慶節。上壽。適郊禮。散齋不用樂。公請  
 令傭者以禮諭之。上親郊。霖以霖。宰相葉翺。擬祀策免。公亦請罪。越數日。  
 除郊知政事。言於上曰。執政當為陛下進賢。退不肖。使百官各任其職。至

於細務。宜歸有司。庶幾中書之務稍清。而臣等得以盡力於其急務。從臣  
梁克家莫濟求外補。公言二人皆賢。其去可惜。蓋有基問者。於是劾洪邁  
姦險。詭佞。不宜在人主左右。黜之。七月。宰相蔣芾以憂去。公偶當國。尋兼  
知樞密院事。請中出恩澤者。許得數之。上曰。卿能爾。朕何憂。每聽上親忠  
直。納諫諍。抑佞倖。肅紀綱。講軍政。實民力。用人隨才。無求其備。異時將帥  
不見。孰政莫別能。否。公曰。召三數人與語。察其材智所堪。而諧之。首減關  
鹽。罷江西權。及廣西折配米鹽。蠲諸道積遺。以大為萬計。上於公言聽諫  
從。於是政頗歸中書矣。龍大淵死。上念曾親欲召之。公曰。自陛下出此。二  
人中外詠歌聖德。今復召。願罷臣。遂止。殿帥王琪奉詔行。淮城還。為和  
州教授劉甄夫。上命召之。公與同列請其所。自上曰。王琪稱其才。公曰。琪  
為將佐職也。何與教官。上曰。可召問之。公退責琪。皇恐不知所對。會揚州  
奏琪傳詔增城。今既竣事。公請於上。上曰。無之。公曰。編制也。退至殿廡。召  
琪詰之。琪叩頭汗下。公亟奏曰。詔遣臣增城。此大利害。大紀綱。大號令也。  
而琪詐為之。令甲曰。詐為制者殺。於是詔削琪秩罷之。先是。容命下諸案。  
朝廷多不與聞。公與同列請。自今百司受詔處事。並聞朝廷而奏。審焉。至  
是。復以為言。從之。尋收前命。上諭執政曰。禁中欲取一飲食。亦奏審焉。公

言祖宗成憲。著在令甲。且如今三衙發兵。則密院不可不知。每事奏審。乃  
欲取決於陛下也。今命下復收。中以惶惑。且將併舊法而廢之矣。意者非  
陛下意也。將無小人因此陰以微言。上激雷霆之怒。至日面奏。上曰。朕  
豈以小人之言疑卿等耶。同知樞密院事劉琪。進讀語切。忤旨。詔除琪端  
明殿學士。在外官觀。公力爭之。曰。當與大藩。上乃以琪帥江西。乾道四年  
十月。制授尚書右僕射。同中書門下平章事。兼樞密使。公為相。以用人為  
已任。所除吏皆一時選尤。抑奔競。黜廉退。或才可用而位闕尚淺。即家薦  
於上。退未嘗以語人有。思被召對。除用而不知所自者。知名儒朱熹。公三  
薦之。熹不知也。每接朝士。及收守來自遠方者。必問以時政得失。人才賢  
否。見於會。必勉之曰。朝廷政令。公等意有未安。勿憚舉職。又以兩淮備禦  
未設。民無固志。請於揚和二州。各屯三萬人。仍書民數。率三男子者。家一  
人為民兵。要使大兵分屯要害。以搯腹背。民兵各守其城。以相掎角。時虞  
允文宣撫四川。公薦其才堪宰相。上即召允文為樞密使。至是。拜公左相。  
允文右相。乾道五年八月也。允文建議。遣使北虜。以陵寢為請。公面陳未  
可復。手疏以為恐慕虛名。而受實害。事得小緩。曾親秩滿。公預請以為浙  
東總管。上曰。親意似不欲。公曰。屬者陛下去親。甚感。或謂親必復來。今果

然願捐私恩。伸公議。又詔進觀官。公曰。無名。會遣使賀北虜。正乃請以觀  
為介。遂以故事。遷其官。樞密承旨。疾說欲為親戚。求官。陳公不敢言。會公  
予告。請於它相得之。公卒不與。吏部尚書汪應辰。舉李應。制有旨。召試  
權中書舍人。林樸言。屋獨試。非故事。公奏。元祐中。謝惇亦獨試。乃樸與諫  
官。施元之意。沮應辰不為屋也。公因極論其奸。遂罷二人。明年。允文復中  
前議。上以手札。謀於公。公上疏。力爭之。繼力請去。以觀文殿大學士。知福  
州。兼福建路安撫使。辭行。猶勸上以泛使。未宜輕遣。竟遣之。不復其要領。  
云。曾觀亦召還。遂違節旌。歷使相。以躋保傳。士大夫莫敢言者。公至福州。  
政寬而嚴於治盜。明年。定海水賊。倪即侵軼閩廣。海道騷然。公召統領官  
鄭慶。授以方略。慶頗逗留。以風為解。公植旗於庭。視其所鄉。慶懼。晝夜窮  
追。遂悉禽之。上嘉其功。特遷銀青光祿大夫。閩鹽故事。官自齋之。轉運判  
官陳峴。議改為鈔。公移書執政。以為法行三十年。州縣稍無橫歛。百姓亦  
各安業。此不為不利矣。今欲改之。不可竟改之。已而不可行。又明年。力請  
拔闕。遂以提舉臨安府洞霄宮。歸里第。淳熙二年。再命知福州。民習其政。  
不勞而治。會有詔。盡發本道戈船。及選卒。公奏留其半。州大旱。且大且星  
隕。且地震。公恻以聞。上賜券帶藥物。三年。太上皇帝聖壽七十。慶賜宇內。

公以紹興從官。持轉金紫光祿大夫。四年。累章告老。上遲回累日。乃除特  
進。提舉洞霄宮。五年五月。起判隆興府。改建康府。江南東路安撫使。兼行  
宮留守。且詔入奏。既至都。人聚觀咨嗟。喜公之將復用也。見于垂拱殿。上  
為改容加敬。命坐賜茶。宣問欵至。公因從容言曰。擇將當由公選。臣聞諸  
將多以賄得之。軍政大壞矣。上曰。前日鄭鑑亦云。鑑公婿。故及之。公曰。鑑  
以小臣論事。陛下和顏聽納。中外仰服。然諸將交結。用不以材。而以貨。則  
下不服。上曰。然。又曰。陛下用人。當辨邪正。當由朝廷。聞曾觀王抃。招權納  
賄。薦進人才。而皆以中出行之。口語藉藉。思歸此輩。謗草陛下。上曰。小者  
或勉徇之。大者此輩何敢預。公曰。此輩未必敢明薦也。或伺知聖意。而傳  
於外耳。禁中一事。外間必聞。皆此曹也。願嚴戒勅。上遣中使賜金器。厚帶  
茗香。明日辭行。因奏曰。臣去國九年。重入修門。見都下數賤人安。惟是士  
大夫風俗大變耳。上曰。何也。公曰。叢者士夫。私趨觀抃者十一二。尚畏人  
知。今則公趨之者十七八。不畏人知矣。人才進退。由於私門。大非朝廷美  
事。上曰。抃不敢。觀時有請。朕多抑之。繼今不復從矣。公曰。陛下之言。雖如  
此。其如外間。權傳。某由某薦。某出某門。此曹聲勢。最。臺諫侍從。多出其  
門。朝廷亦唯命是聽。執政為陛下言者。如將帥賄交。又將甚者。不惟士夫

# 永樂大典

卷三二五一

言之。吏卒亦能言之。獨陛下以為無有耳。陛下信任此曹。壞朝廷之紀綱。廢有司之法令。敗天下之風俗。累陛下之聖德。臣實痛之。願陛下勿忘臣此四言者。上曰。卿到建康。見兵將如此者。以聞。公去建康十五年。父老喜公之來。所至相聚以百數。焚香迎拜。公為政平易寬簡。悉罷無名之賦。府有軍屯。異時多為民害。公為出令。犯者以軍法論。諸軍肅然。行宮管鑰。官者主之。留守待之。如部使者。時節按行殿中。則宦者置酒西嚮坐。而留守為客。甚或邀飲其家。公悉罷之。建康距淮南一水。閩海邊頭利害。知無不言。北境有盜百餘。焚掠淮陰。公請嚴禁吾民。越疆盜焉者。增頒淮縣兵之成者。不受自此來。歸者。先是上念諸軍有孳衆而廩不贍者。出給錢界三總領司各十萬。俾市易。歲取子錢之五。以優給焉。有司旁緣。盡籠商賈之利。陰奪關市之征。公請罷之。而歲捐楮券三十萬於一司。給孳衆者半糶。大蒐者半時。上前下文。書于外。多不用符璽。謂之白劄。子率用。替御持送。而廷勞同五人。至是樞密承旨王栻遣所親以白劄于來。吏白近北。公不奉詔。因上疏曰。號令出於人主。行於朝廷。布於中外。古今所同也。間有軍國發事。或禁中細札。亦必用璽書行之。此所以示信而防偽也。今乃直以白劄諭指。除度事宜於數百里外。異時緩急。或致殺所出。或師旅有興。或

永樂大典卷三二二五十一

三十一

邊防是經。繫乎國家大利害者。能保其無偽乎。上手札愧謝。公尋上章復告老。答詔不允。除公少保。益封公。固辭。上手札尉諭。再三乃受。時江東旱甚。上詔公預講荒政。公請貸米料三十萬。穀二十萬。分州縣振糶。而又繼以撥常平之粟。除田租之逋。罷淮東之雜。蠲米商之征。從之。惟所貸穀米。才得十七分之一云。公設施有政。米舟四集。民無流徙。八年正月。復告老。累詔不允。而公請益堅。二月。除醴泉觀使。進封中國公。九年正月。公年七十。元日即謝。醴泉之廩。復申前請。凡五表上。又手答却其章。是歲親郊。召公侍祠。公固辭。又三表及手疏告老。上不得已。詔以少傅致其仕。進封福國公。有司以法當給全俸。公按富文忠公故事。獨受少傅之祿。餘悉上還。十一年十月七日。上以公生朝。遣使賜手詔。金器樂香。十二年。又詔公侍祠國丘。且來歲增上太上尊號。且慶壽陪班。上諭宰臣曰。陳丞相久不相見。宜趣其來。復手札書其末。曰。付陳少傅。而不名公。竟固辭。慶典告成。册拜少師。進封魏國公。及屬疾且革。夜半手書一紙示諸子。勿祈恩澤。勿禱浮屠。勿立碑請謚。遺表惟以用忠良。復竟上為請。諸朝整冠。定氣安卧。而薨。得年七十有四。公忠孝天至。尤好禮終日無惰容。雖疾。見子孫必衣冠。遇人無少長。以一誠實。一言終身可復。平居言若不出諸口。而在朝危言



正色。辨邪正。斥權要。無所顧避。然心平氣和。無近名意。處國事。顧大體。務持重。在中書。尤愛名器。抑佞倖。故小人多不舉。上屢稱其忠誠。為賢相云。公性寬洪。無私喜怒。泛然若無所親疎。而矜賢之心實為雅善。故端明殿學士汪公應辰。數文閣學士李公燾。嘗曰。吾侍罪宰相。無過舉者。二公之力。治郡尚風教。民有骨肉訟者。譬以義理。爭者感泣。自奉甚約。食日一肉。而一衣或二十年。祿賜多以分人。撫愛宗族。恩意甚備。內外總功。必素服終喪。在官不受饋問。建康諸部使者。及諸大將。故事有月餉。公不欲異。別儲之以周士之貧者。將去。尚餘萬緡。悉歸之官。公於外物澹然。獨喜觀書。病猶不釋。其學一以聖賢為法。於釋老未嘗問。嘗有詩曰。吾方蹈孔孟。未暇師繁可。有文集二十卷。奏議二十卷。曾祖諱仁。祖諱賁。父諱誥。皆以公貴。贈太師沂昌莫三國公。曾祖妣黃氏。祖妣李氏。妣黃氏。卓氏。贈徐昌越。莫四國夫人。配聶氏。封唐國夫人。子男五人。憲。朝奉郎。通判泉州。守。承議郎。權。接。遠。漳州。事。定。承奉郎。早卒。宿。皆承事郎。女四人。長。適。進士黃洧。次。適。故著作佐郎。鄭。再。適。太常少卿。羅。點。次。適。奉議郎。通判。漳州。梁。憶。餘。切。孫。男。四人。厚。承。務。郎。址。堪。承。奉。郎。暨。未。官。女。六。人。銘。曰。宋。十。一。葉。有。赫。有。業。振。天。之。綱。乾。道。惟。皇。惟。皇。惟。肖。肖。我。高。廟。肖。我。祖。宗。追。而。與。

永樂大典卷三十三百五十一

同。慶曆元祐。紹興乾道。宋之聖時。到隆四之。據國宿憤。信威朔抗。六月之師。周宣之奇。大醜仁琦。康之以歸。自此及馬。誓不南下。謨明何。今荷張與陳。談者仰目。曰。大小都督。大勳駭駭。卒壞于成。張公既喪。久艱厥相。皇相陳公。奮慨載庸。正臣表治。萬物吐氣。勸皇德心。燭理自明。皇德一正。萬國以定。一時群材。唯為公來。若鳳斯翔。萬羽斯會。色夷氣溫。皇知愛君。君有難。涉。事。有。難。止。不。貴。類。齒。如。石。投。水。乾。道。之。隆。萬。祀。攸。崇。走。職。太。史。作。誦。萬。祀。胡。銓。落。庵。集。回。陳。亞。魁。以。所。落。十。貢。從。北。苑。本。期。瑞。草。之。恩。賦。就。含。元。誰。意。靈。光。之。下。愧。非。高。職。喜。預。傍。觀。伏。惟。新。恩。秘。監。學。植。英。榮。群。源。注射。擬。顯。照。頂。雖。弗。獲。於。初。心。志。日。中。眉。庸。何。傷。於。妙。手。方。求。覲。面。忽。拜。飛。牋。深。有。感。於。勞。謙。願。益。修。於。遠。業。高。第。為。將。相。之。選。是。何。足。言。中。興。賴。賢。哲。之。謀。茲。焉。有。望。又。回。陳。應。求。丞。相。事。歷。元。年。某。伏。以。深。秋。天。氣。浸。清。共。惟。宮。使。大。觀。文。相。公。民。望。所。依。袞。歸。有。日。神。天。顯。相。鈞。候。動。止。萬。福。某。伏。自。向。辱。鈞。翰。龍。答。之。後。懼。漬。嚴。重。不。敢。時。布。尺。牘。惟。是。專。仰。道。德。感。激。知。遇。一。夜。食。間。豈。嘗。拜。忘。竊。聞。新。府。落。成。未。獲。為。燕。賀。之。客。此。心。益。以。馳。驚。仰。乞。上。符。聖。眷。加。護。相。箇。還。東。園。成。永。隆。邦。治。某。下。情。不。勝。懇。懇。某。罪。垢。孤。蹤。得。奉。祠。田。野。間。已。為。厚。幸。忽。蒙。上。恩。寄。名。館。殿。大。懼。無。以。稱。塞。

自非相公昔者甄陶於當軸之日。今茲薦進於均逸之時。則如充翁。寧望  
甄叙。荷載鴻祀。筆古有不能盡者矣。開居難辨廢啓。報以上書。少叙寸心  
伏乞鈞矜。又某竊以凝寒在序。共惟致政少傅大觀文相公功成召遂  
德業久存。神人交相。約候動止。萬福某強心為智日虞。及伏觀相公榮  
錫安車。揮金故里。縱未能取躬不速。勒轡高颯。猶當揣分量才。力求開  
少曠。既佳尸素之咎。不悲。聞伯夷之風。而弗思。庶頑立懦。其何以高士大  
夫之列。幸慕仰至深。不覺切悃。除乞珍調。寢味。永延眉壽。公師之拜。可馴  
致也。又某自矜。古廷得謝。雖嘗一再馳辭。以慶而城。詎未修非。致迨也  
誠恐謙德素隆。必將視儀寵報。故寧自墮簡忽之域。而不欲仰勞鈞重。今  
蒙寵賜公禮。實出倒置。漸汗跋躑。殊不自安。尚望原其初心。特與寬。貫某  
下情。無任懇禱之至。周益公大全集。祭陳應求。後所丞相文維。淳熙十四  
年。十二月戊辰朔。其位甚謹。以清酌庶羞之奠。致祭于故太保大觀文魏  
國正獻陳公之靈。惟公德業純備。哀榮終始。譽滿四海。行書太史。備余易  
名。時敢溢美。刻公好謙。道成世誅。上實命之。厥有深旨。於皇本朝。賢輔接  
趾。為正若獻。三人而已。住在慶曆。祁公宅榜。忠清諒直。廉頑仁鄙。用雖日  
淺。名則千秋。元祐之初。政歸呂氏。罕國紀綱。養士廉耻。公卿景從。夷夏履

永樂齋卷三十一

靡後。暨清源。羽翼端邸。逮其入相。有譽無毀。生全龍光。波厚恩紀。自時厥  
後。解矣斯比。堂堂魏公。聲望崛起。如杜如呂。佐我天子。甘盤善學。視何有  
輝。知臣者君。人以倫擬。借曰形容。辭之替矣。言念晚生。叨附高軌。大明初  
升。詞振乏使。嘗代匠斷。汗顏血指。二十六年。言猶在耳。期公壽考。與宋無  
止。孰云做疾。遂隔生死。珍瘁之悲。豈為知己。情馳一觴。目斷千里。嗚呼。哀  
哉。伏惟尚享。陳耆卿。寶齋集。祭陳俊卿。運判文。昔在高廟。朝多史魚。時惟  
獻肅。氣拉萬夫。我學有祠。所以尚德。過者見之。凍竄寒慙。言言遠直。為生  
我公。重厚端莊。吐霓照虹。娟娟童年。有赫載譽。脫略綺紈。頭頭韋布。迨其  
筮仕。守正不回。得失榮辱。付之浮埃。三人棘廷。兩登蘭省。出使于西。績用  
又炳。旋升樞屬。其勞孔多。克禱借著。以定止步。帝曰嘉哉。可煩可劇。其  
神臯。以究汝力。長安日近。使者星高。紫荷白筆。平步匪遙。直理無常。豈數  
有竟。無旬之間。不起于病。惟昔之學。藉公主張。一日斧斤。百年棟梁。惟今  
之學。歸公提攜。官俟教條。士資檢押。誰謂愉悅。轉以悲傷。粉榆失色。芹藻  
無光。公已翩然。排風馭氣。其如吾徒。思之不置。泣引州旌。奔奠素幃。公其  
有知。尚  
聽此辭

# 陳中孚

崔州郡志陳中孚字子正為萬寧令。蔡賊犯城居守有勞。承事郎知昌化軍長子名適以復逆賊授正額攝官為臨

高尉偕耳氏王高叛。圍開州城。瓊覺以諸司之命。委適討之。徑由海道直造賊壘。諭以禍福。投戈列拜。訖遂去。見任守以適攝郡事。諸司從之時。樞密折彦質請居于郡。一見得賞。至宋紹興十八年。諸司辟知昌化軍。到官修闕郡廡。扁曰繼美。謂能繼父之美也。胡公詹庵為作記。恭政李公先自瓊移傳。與陳尤善。休沐嘗杖屨往來。秣滿。除容守而卒。

# 陳烈

宋朱子語類錄高宗在南京時。有宗室十五大尉者。名叔尚。起兵於汝州。有數萬人。其謀主曰陳烈。叔尚自稱大王。已而下詔召之。令以兵屬宗澤。陳烈曰。朝廷不令屬宗澤。而自欲屬之。不可。叔尚曰。然則何以為策。烈曰。某有一策。提兵過河北。乃蕭王之舉。是時詔下。補烈通直郎。叔尚既就召。烈不交官而去。終身不知所之。子焱云。向見叔尚時。有一人常著道服隨之。疑即是陳烈。

# 陳豐

泉州清源志陳豐字元齡。曾大父補。父駢。俱第進士。豐雖延實入仕。少有場屋聲。銓闈廣漕俱魁選。兩試詞科。時輩稱之。提轄文

永樂大典卷三百五十一

三十四

忠院。會言者計費輒造勅。偽告曰。豐白起部。謂所較者小。所轄者大。因請復舊。弟登。子孖。亦第進士。登字元龍。有父名。字畫尤精。與五十朋相友善。云

# 陳扁

建安志陳扁字純中。既寧人。其父肆業上庠。公年幼。母夫人自教之。十八歲。縣鄉舉。首辟雍。遂從父學。後升內舍。父卒南歸。紹

興八年。登進士第。初授嚴州建德簿。再調饒州德興丞。改宣教郎。知興化軍。仙遊及福州羅縣。通判信州。虜騎南侵。詔發諸郡兵戍江淮。信州兵素驍。欲因作變。公攝郡事。先取其首謀者寘之。迺加撫諭。眾兵攝伏。丞相朱公倬薦其材。被召。丞相陳公康伯。上饒人也。以公有治狀。語同列。命且留治所。登入見。上曰。有大臣薦。本留卿。以信兵狂悍。煩卿往臨之。遂知信州。明年。冬。除直秘閣。再任。進書院。除提舉淮東鹽事。隆興初。詔侍從臺諫。論次諸郡治行。公預其列。為醜正者。謀藥以章罷。乾道間。坑冶闕官。樞密劉公珙薦對。上曰。聞卿練習吏事。欲以坑冶煩卿。遂除江淮等路鑄錢。可祠甚力。未幾。卒。年七十三。官至朝請大夫。

# 陳廷俊

宋陳亮龍川集陳府君墓誌永康之陳。大抵派自吳興。蓋其所從來遠矣。其居邑之南。四十五里。曰前黃者。遠事今

# 永樂大典

## 卷三二五一

皆不論。論其耳目之所及者。邇亮而數之。凡八世。而亮年適四十矣。二十年得一世。其間又有過一十而得子者。陳氏於今往往近二百年。雖不能馳驟。取功名富貴。以自見於斯世。而衣食營足。惟其餘。以及鄰里。使一鄉無憾於東。蓋自六世祖諱伯援。而邑人使有稱焉。更三世而守其家法。終始不墜。惟最長一友為然。百四五十一年之間。衣被國家之飽煖。大家世族。或已淪替而無餘。而一鄉之望。凝然如一日。此豈無所繇致哉。亮之曾祖。幼長其父。而高祖母以歲年守志。於是六世祖老矣。家事悉以委之。長子諱文仲。實能撫孤存寡。義不以一毫自私。使高祖母兒女之累。釋然終老。而不悔者。時其夫之有兄也。及曾祖死於王事。而先祖兄弟以推喪之餘。墓當門戶。凜然懼不自保。而曾伯祖諱良佐。實存撫之。所以終其父之志也。其後先祖病廢。先人常有不勝家事之憂。曾伯祖之子廷俊。與其繼室葉氏。實左右有家。人事固多故。而吾家三世。被其三世之德。其大者可念而不可忘也。公諱廷俊。字時泰。嘗以納粟辟尉靖之永平。然非其好也。先妣同邑呂氏。蓋甚宜其家。而不幸蚤世。子男三人。克恭。克勤。克誠。女三人。適汪。注。胡。炳。徐。良。史。孫男九人。恂。元。身。愷。光。恪。凡。九。愷。女三人。長適徐士龍。次盧度。次幼。曾孫女二人。公生於大觀戊子三月十有八日。歿於乾道戊子五月二十六日。而長女之長。昔與公相繼而卒。又十有五年。冬十月十有二日。己酉。始克塋公於距家五里。鷄鳴山先塋之旁。論次本末。以納諸幽。諸孤以為責當在亮。謹再拜而銘之。銘曰。生而敦龐。以壯門戶。長則克家。以光厥祖。世有隱德。細猶未數。天道昭然。歸安此吉。

### 陳鼎

宋林光朝父軒集陳鼎。建州松溪縣人。父戰。建炎春嘗任給事中。鼎以父蔭為右承務郎。戰與秦檜有世契。鼎任臨安府排岸

秩滿。差攝進奏院。紹興十年。金虜敗盟。復奪我河南地。是年六月。鼎上萬言書。言虜人於今日敗盟。乃朝廷福。使虜盟未敗。即他日之禍。有不可支吾者。願乘此機。蚤為自治之策。檜怒。言者因論鼎籍中丞。廖剛為地求易差遣。得旨。降一官。放罷。日下。出國門。俄又送吏部。以鼎知饒州德興縣。十六年。五月。德興士民。傳取新等詣闕。乞留鼎再任。至是檜進呈。上曰。果有德政。及民則固可留。然其間不能無使之留者。須加核實。中丞何若湖之。即奏鼎明附屬剛。其在德興。不遵法令。用刑慘酷。鼎坐免。歸。鼎為邑有惠政。至今人思之。淳熙五年。蜀人李舜臣嘗宰德興。邑人為詩以美之。其章首云。銀奉縣政百餘年。東鄰才賦舊所傳。蓋指鼎也。

陳順

元一統志宋建炎三年。金人退兵高郵。初復時兵糧皆乏。順以東義郎主兵。與忠翊郎車定方各集義兵數百人。自備衣糧器械。朝廷聞之。各轉官資以示勸賞。

永樂大典卷之三十一百五十一

永樂大典卷之三十一百五十一

三六